



明詩紀事
辛籤叢書

陳氏叢書
聽詩齋藏



時至天啟椽人恣睢毒流海內國之元氣斲削無餘思宗適
乘其阨亦思救弊扶衰而性猜識闇罔別薰蕕雖以高陽之
偉略長洲之碩學不能久安於位而烏程宜興武陵之徒
居政地妬賢嫉能政亂俗偷天殃民怨秦之大盜起而乘之
海內鼎沸亦有智略之帥英毅之夫洞胸抉腹碎腦賊元而
莫之或救余錄啟禎之詩先忠節次遺逸一以伸正氣一以
黜忝竊而科目之士夫乃夷而後之其中未嘗無賢明之士
牛毛麟角節長棄短觀者自得之也論者謂明之亡由於黨
禍乃歸罪於東林復社之徒噫何其偵也夫東漢之亡亡於
寺人之禍而黨錮乃興明之亡亦亡於閹人之孽而東林復
社乃顯陰陽戰而霆砰電流風水激而波涌濤飛邪正攻而
黨人義憤節立暨弘光偏安江左支持殘局而閹黨猶思翻
局以底於亡繁霜板蕩之詩所以怨也在昔漁洋與竹垞論
選明詩謂不宜略遠詳近以今日而溯朱明年將三百亦云
遠矣余搜採明末諸家補詩綜之闕漏於斯集尤亟致意然
未敢言備也宣統辛亥仲春黔靈山樵陳田

序

宣統辛亥貴陽
陳氏聽詩齋刊

明詩紀事辛籤目

高名衡 卷一

陳子龍 三十八首

曹學佺 三十二首

孫承宗 卷二

孫承宗 十三首

孫傳庭 四首

高名衡 五首

張銓 一首

傅梅 二首

鹿善繼 三首

南居益 一首

尹伸 四首

傅宗龍 一首

畢拱辰 三首

蔡道憲 三首

宋玫 二首

盧安世 一首

朱萬年 一首

辛籤目

張秉文 一首

楚煙 二首

黎弘業 一首

馬如蛟 一首

周而滄 一首

馮一第 一首

盧象昇 一首

呂維祺 五首

謝堯 一首

李士標 二首

卷三

范景文 五首

倪元璐 二首

王家彥 一首

吳麟徵 一首

馬世奇 五首

凌義渠 四首

周鳳翔 一首

吳甘來 一首

許直 一首

申佳胤 一首



陳良謨一首

汪偉一首

金鉉一首

劉理順一首

卷四

劉宗周三首

黃道周十八首

卷五

徐石麒十首

徐爾毅一首

夏允彝一首

夏完淳十一首

眭明永一首

眭本一首

黃清耀十九首

黃淵耀二首

侯峒曾二首

侯岐曾一首

侯玄演二首

王與胤二首

辛籤目

王士和一首

卷六

史可法一首

左懋第一首

袁繼咸一首

祁彪佳二首

黃端伯四首

王若之二首

徐汧一首

楊廷麟二首

萬元吉二首

劉同升二首

彭期生一首

馬懋功二首

吳應箕十五首

金聲一首

江天一一首

麻三衡六首

沈壽堯一首

楊文聰十一首

孫臨 六首

錢棟 三首

魏耕 五首

錢梅 一首

楊廷樞 一首

卷六下

韓上桂 四首

林說 一首

文震亨 五首

張秉純 一首

許士楷 一首

李之椿 一首

項禹揆 一首

黃周星 四首

卷七

黎遂球 十二首

鄭露 十三首

陳子壯 十六首

陳邦彥 三首

辛籤目

梁朝鐘 三首

張家玉 一首

卷八

朱繼祚 一首

張國維 一首

張肯堂 一首

張煌言 五首

馮京第 一首

錢肅樂 一首

陳函輝 六首

詹兆恆 一首

吳鍾巒 一首

楊文瓚 一首

林尊賓 一首

林洵 一首

卷八下

吳易 五首

楊文薦 一首

萬發祥 一首

溫黃 一首

楊永言 一首

李待問 一首

石隆 一首

卷九

何騰蛟 一首

張同敞 一首

范文光 一首

李含乙 一首

鄺鴻 一首

邱懋樸 一首

馬士升 一首

譚先哲 一首

唐誼 一首

卷九下

王錫禿 二首

路振飛 一首

章曠 三首

戴重 十首

卷十

邢昉 五十五首

吳嘉紀 三十六首

梁于浚 二首

林嘯 三首

凌駟 一首

馬班 九首

瞿式耜 一首

郭之奇 四首

揭重熙 一首

梁若衡 一首

朱實蓮 一首

鄔昌期 一首

蔣勸善 一首

尹思民 一首

謝如珂 一首

徐宇遠 二首

堵胤錫 一首

李長祥 一首

錢邦芭 三首

錢澄之 二十首

王翊 二十七首

辛籤目

四

屈大均 四十首

陳恭尹 二十四首

陳子升 二十首

卷十二

彭孫貽 二十八首

馮班 五十五首

紀映鍾 二十四首

卷十三

顧炎武 十九首

王夫之 四十二首

陸世儀 十六首

陳瑚 九首

卷十四

陳忱 二十四首

傅占衡 二十九首

余懷 三十二首

費密 二十五首

辛籤目

五

卷十五

杜濬 十四首

董樵 十二首

陶澂 十九首

萬壽祺 二十二首

卷十五下

胡承諾 二十六首

卷十六

徐枋 六首

沈壽民 四首

巢鳴盛 一首

李世熊 十六首

方授 二首

王錫闡 一首

李成憲 一首

黃澂之 五首

李確 六首

李雲龍 八首

談遷 七首

文祖堯 一首

周岐 三首

魏禮 七首

林時益 二首

徐夜 十首

夏古丹 三首

薊過庭 二首

張蓋 九首

韓周 六首

周蓼邨 二首

彭士望 十一首

戴笠 一首

朱士稚 二首

卷十七

姜垓 三首

姜垓 四首

王嗣乾 一首

王嗣乾 一首

黎彭祖 一首

黎彭祖 一首

辛籤目

六

張若化 一首

張若仲 一首

陳孝威 一首

陳孝逸 一首

戴本孝 四首

戴移孝 三首

方以智 十三首

方其義 三首

王光承 一首

王烈 一首

梁以枏 二首

梁以樟 九首

姜安節 二首

姜實節 四首

張可仕 二首

張可度 二首

嚴調御 二首

嚴武順 二首

嚴敕 五首

黃學謙 一首

吳馴 一首

文震孟 一首

陳仁錫 一首

蔣德璟 一首

郭都賢 一首

文安之 一首

馮元颺 一首

蕭士璋 一首

金肇元 一首

倪嘉慶 一首

黃宗昌 一首

喬可聘 一首

何萬化 一首

梁元柱 一首

姚孫渠 一首

齊心孝 一首

王鳴玉 一首

秦桐 一首

黃景昉 一首

何楷 一首

孫晉 一首

辛籤目

熊開元 一首

陸澄原 一首

郭紹儀 一首

陸錫明 一首

劉在朝 一首

黃文煥 一首

李模 一首

賀鼎 一首

區懷瑞 一首

黃光 一首

卷十九

呂大器 一首

高斗樞 一首

于穎 一首

周鏞 一首

龔士驥 一首

吳承燧 一首

曹荃 一首

林銘球 一首

謝宗 一首

姚思孝 一首

冒起宗 一首

李奇玉 一首

薛宗 十一首

陳天定 一首

李世奇 一首

許彥 一首

黎崇宣 一首

吳國琦 一首

楊士聰 一首

汪國士 一首

陶汝鼎 十首

張明弼 二首

卷二十

文德翼 二首

朱芾煌 五首

劉侗 一首

凌世韶 一首

張允掄 一首

闕士琦 二首

潘世澄 一首

黃日乾 一首

辛籤目

余颺 十首

許承欽 一首

秦鏞 一首

莊元宸 一首

錢朝彥 一首

倪長圩 一首

康范生 一首

費經虞 一首

張琚 一首

羅策 一首

曾異撰 一首

卷二十一

湯來賀 一首

萬日吉 六首

來集之 一首

單恂 二首

徐芳 二首

高承鋌 五首

吳中蕃 十二首

張璣 二首

郭萬完 一首

趙炳龍 一首

王傲通 一首

周嬰 一首

劉道開 三首

李國相 一首

姚宗典 一首

錢默 一首

宮偉鏐 一首

張若羲 一首

包壯行 一首

祝之至 一首

李質 一首

吳驥 二首

周損 五首

米元偲 四首

蒙正發 一首

卷二十二

張溥 一首

張采 一首

辛籤目

九

楊絳 一首

顧夢麟 六首

朱隗 二首

顧杲 一首

陳宗之 十八首

葉襄 七首

張澤 一首

周立勳 三首

魏冲 一首

許元功 四首

潘一桂 二首

王漢 二首

梅朗中 五首

蔣臣 一首

趙相如 二首

許振光 一首

俞南史 二首

徐白 一首

方文 十首

吳德操 一首

葛芝 二首

趙可直 二首

賀裳 四首

賀燕徵 七首

劉城 十五首

沈自然 四首

卷二十三

聞啟祥 二首

朱一是 十七首

陸圻 四首

卓入月 二首

夏緇 七首

趙韓 一首

韓曾駒 四首

韓繹祖 六首

陳梁 一首

錢士馨 一首

李寅 二首

俞汝言 三首

■

祁鴻孫 一首

卷二十四

辛籤目

十

萬時華 十三首

馬猶龍 八首

徐世溥 十三首

余正垣 一首

王猷定 十首

李奇 一首

舒忠讜 一首

湯開先 二首

陳晝 一首

卷二十五

于奕正 五首

王袞 七首

嚴首昇 四首

莊祖誼 二首

趙士喆 十二首

伍瑞隆 二首

宋璉 一首

劉湘客 一首

卷二十六

吳惟英 二首

張怡 十首

劉文炤 二首

祁班孫 四首

劉孔和 九首

茅元儀 二首

常延齡 一首

胡長庚 一首

陳震 一首

余恂 六首

陳斌 一首

卷二十七

王時敏 二首

李肇亨 三首

金俊明 六首

陳洪綬 十三首

崔丹 二首

龔賢 六首

歸昌世 二首

歸莊 一首

辛籤目

顧樵 三首

徐繼恩 二首

文相 一首

楊補 二首

周祚新 一首

呂潛 十首

張靚 四首

周容 一首

項聖謨 一首

蕭雲從 一首

金遠 一首

卷二十七下

許友 六首

魯得之 一首

徐柏齡 一首

朱奩 一首

汪珂玉 二首

張穆 一首

來蕃 三首

卷二十八

張綱孫 十三首

沈謙 十三首

柴紹炳 四首

孫治 二首

朱鶴齡 四首

顧夢游 五首

董說 十三首

魏學伊 四首

湯傳楹 四首

繆永謀 十二首

胡山 十一首

韓洽 十首

吳騏 十首

毛晉 二首

曾燦 十一首

胡介 七首

邱世望 十首

蔣之棻 六首

韓純玉 三首

周篔 九首

辛籤目

三

魏允枏 三首

爰丹生 四首

徐開任 三首

張彥之 二首

吳懋謙 十三首

徐崧 五首

李煒 六首

錢光纈 二首

錢謙貞 五首

東蔭商 二首

姜廷梧 二首

陸繁弨 二首

王鵬茂 四首

鄭階 四首

陸嘉淑 二首

陳祚明 三首

黎祖功 二首

卷二十九

王屋 一首

顧艾 一首

陳衍 二首

王履和 二首

麻三雍 一首

吳一元 一首

何絳 三首

梁樾 一首

岑徵 二首

易訓 一首

英上 一首

梁可瀾 一首

庾樓 一首

趙煊夫 二首

梁觀 一首

凌糸 八首

楊時暹 二首

凌潞庚 四首

陳宏裔 七首

李良眉 一首

楊麓 一首

孫模 二首

卷三十

辛籤目

李標 一首

葉珍 一首

孫纘祖 二首

蔣國榮 一首

蔣平階 一首

計孺 一首

黃輔 一首

叢一蘭 一首

范廷瓚 一首

馬鑾 二首

吳道約 一首

楊焯 二首

黃世康 一首

周蓋卿 一首

林璟 一首

方沂 一首

王之梁 一首

覃獻籙 一首

鄧右符 一首

黃文星 一首

璩 一首

盧傳來 一首

李振聲 一首

戴于庭 一首

駱雲程 二首

張玉成 一首

朱文心 一首

吳爲霖 一首

卷三十一

潘陸 二首

湯燕生 三首

范路 七首

湯漢 二首

陳確 一首

吳時德 三首

張光啟 一首

張致中 一首

陸啟滋 一首

張杉 二首

史玄 六首

趙煥 一首

顧有孝 一首

周安 一首

辛籤目

古

雷士俊 四首

李沂 四首

王廷璧 一首

談允謙 四首

蔣人 一首

王巖 二首

孫爽 一首

蔡仲光 三首

錢肅潤 四首

丁之賢 三首

朱國漢 七首

徐晨 二首

陳三島 二首

盛斯唐 二首

譚雅 一首

方祖兆 一首

王萬祿 一首

楊煜 一首

車以遵 一首

蔣之翹 三首

路澤農 一首

程奎 一首

屠癘一首

李麟友一首

李生乾一首

楊連吉一首

徐篤一首

葉有馨一首

何蔚文一首

徐濟忠一首

何大成一首

邵濂一首

陸來一首

卷三十二

華淑一首

陳鴻一首

王彥泓一首

張維一首

何述皋一首

錢孫艾一首

徐錫祚一首

秦徵蘭一首

辛籤目

五

林雲鳳一首

王邦畿一首

薛始亨一首

吳淹一首

吳濡一首

劉元祥一首

劉永滋一首

楊誌一首

王璉一首

周書一首

楊靜一首

程梧一首

程廷橈一首

程九皋一首

錢秉鐸一首

齊程一首

方穀一首

卷三十三

吳用鈔一首

彭堯諭一首

鄧祥麟 一首

陳濟生 一首

劉昌運 一首

黃翼聖 四首

閃知愿 一首

談亮 一首

陳啟相 一首

卷三十四

傅爾元 一首

王承之 五首

侯涵 二首

顧在觀 一首

蔣易 二首

沈祖孝 二首

石可璽 七首

閔鼎 一首

沈叔竑 一首

李景福 一首

徐象婁 一首

邵似歐 二首

辛籤目

顧超 八首

潘問奇 五首

李潛 一首

張養重 二首

魏應星 一首

韋人鳳 一首

李瀚 二首

王貴 二首

苗君稷 一首

程岫 一首

明詩紀事

貴陽陳田輯

辛籤

陳子龍三十八首

子龍字人中一字卧子青浦人崇禎丁丑進士除惠

州推官改紹興遷南吏部主事擢兵科給事中福王

時起原官魯王立授兵部侍郎兼侍讀學士事敗被

獲投水死乾隆中賜諡忠裕有幾社稿陳李倡和

集屬玉堂集平露堂集白雲草湖真閣稿三子詩稿

焚餘草

吳偉業梅村詩話卧子負曠世逸才年二十與臨川
艾千子論文不合面斥之其四大跨徐庾論策視

辛籤卷一

蘇詩特高華雄渾睥睨一世奸推崇右丞後又摸擬
太白而少陵則微有異同要亦崛強語非由中也初

與夏考功瑗公周文學勒占徐孝廉閻公同起而李
舒章特以詩故雁行號陳李詩繼得轅文又號三光

詩然皆不及當是時莫社名易天下卧子奕奕眼光
意氣籠罩單人見者莫不登臨嗒答淋漓慷慨

雖百世後猶想見其人也嘗與余宿京邸夜半謂余
曰卿詩絕似李頎又誦余洛陽行一篇謂為合作余

曰卿詩固佳何首為第一卧子曰苑內起山名萬歲
關中新戲號千秋此余中聯得意語也祠官流涕松

風路回首長陵出塞年又李氏功名猶帶彌斷垣落
日海雲黃此余結注可誦者也余贊歎久之晚歲與

夏考功相期死國事考功先赴水死卧子為書報考
功於地下誓必相從文絕可觀而李舒章仕而北歸

讀卧子王明君篇曰明如慷慨自請行一代紅顏一
擲輕則感慨流涕舒章於九峯山中遇流離北發未

渡江而卧子及禍舒章鬱鬱道死雲間有為詩唁之
者曰蘇李交情在五言未嘗不寄慨於此兩人也

陳李倡和集夏允彝云陳子之詩蕩逸明華攄寫雄
質徐孚遠云卧子之詩澹動溢麗發言舒卷有若明

霞宋存楠云卧子其源出於太白文多超逸之風若

其涼壯明秀則龍標右丞之流亞也

明三十家詩選李雯曰卧子論詩以為詩貴沈壯又

須神明能沈壯而無神明者如大將統軍刁斗精嚴

及其鼓角既動戰如風雨而無旌旆悠揚之色有神

明而不沈壯者如典午名士握麈談道望若神仙而

不可以涉山川冒險難此英雄之分以樂府古詩論

之曹孟德雄而不英曹子桓英而不雄而子建獨兼

之以唐詩論之高達夫雄而不英李東川英而不雄

王右丞則英中之雄岑嘉州則雄中之英而子美獨

兼之此卧子之才縱橫間出凡此諸家命意獨合而

獨於二子深有宗尚也

分甘餘話明未暨國初歌行約有三派虞山源於元

陵時與蘇近大樽源於東川參以大復婁江源於元

白工麗時或過之

源洋詩話明末七言律詩有兩派一為陳大樽一為

程松園大樽遠宗李東川王右丞近學大復松園學

劉文房韓君平又時時染指陸務觀此其大畧也大

樽警句如左徒舊宅猶蘭圃中散荒園尚竹林九龍

移帳春無草萬馬窺邊夜有霜九月星河人出塞一

城徙杵客登樓再陵風雨思王會越國山川出霸才

石顯上賓居柳市寶嬰別業在南田四塞山河歸漢

關二陵風雨送秦師皆不愧古作者

辛籤卷一

二

靜志居詩話王李教袁公安之派浸廣竟陵之傑頓

興一時好異者譎張為幻關中文太青倡堅為離奇

之言致刪改三百篇之章句山陰王季重寄蕪浪笑

傲之體幾不免綠衣蒼鶴之儀容如帝釋既遠修羅

藥又交起搏戰日輪就暝鵬子鳴母四野羣飛卧子

張以大陰之弓射以枉矢腰鼓百面破盡蒼蠅蟋蟀

之聲其功不可泯也

龍性堂詩話論明人詩正大和平折衷風雅無如陳

卧子先生觀其答胡學博書畧云萬厯之季士大夫

偷安逸樂百事墜壞而文人墨客所為詩歌非祖述

長慶以擬樞齋牖之談為清真則學步香奩以儷賸

臍粉之資為芳澤是舉天下之人非迂朴如老儒則

嫵媚若婦人也鍾譚兩君者少知掃除極意空淡似

乎前二者之失可少去矣然舉古人所為溫厚之旨

高亮之格虛沈實之分珠聯璧合之體感時託諷

之心揆古證今之法皆棄不道而又高自標置以致

海內不學之小生遊聞之乘素侈然皆自以為能詩

何則彼所為詩既無本詞又鮮據例不可學而然也夫

居縉紳之位而為鄉鄙之音立昌盛之朝而作衰頹

之語此洪範所謂言不從而可為世運大憂者也蓋

卧子當政禎之時詩道陵夷已極故推明正始表

何李王李諸君為昭代眉目至其論古詩則議于麟

之專擬漢魏爲規模不廣及自邇亦時做温李極藻麗之致時際滄桑所著感事秋懷諸什悲歌激烈可泣鬼神使不遂志早歿文章能事起衰入代非公而誰
說詩醉語詩至鍾譚諸人衰極矣陳大樽墾闢榛蕪上窺正始可云枇杷晚翠田按忠裕雖續何李李王之緒自爲一格有齊梁之麗藻兼盛唐之格調早歲少過浮豔中年骨幹老成殿殘明一代詩當首屈一指

善哉行

登彼修陵有枿有檀言藉豐草思來無端解一杳杳者夜壘

者邱睠彼常道能無懷憂解二獸求其羣鳥鳴其私各懷所歡

我將告誰解三壯士茫茫心煩意馳伊誰云憎日月無期解四湛

湛江水或淺或深君子任時或陽或陰解五夕飲醇酒朝撫鳴

琴古人不知憂勞至今解六

辛籤卷一

三

長干曲

清淺在橫塘相逢素舸郎東風何太急吹汝上尋陽

石城樂

流鈴籠子幡吹過石城下疑是歡相迎風帆如駛馬

莫愁樂

打槳尋莫愁莫愁不還家當門搖漾水豔豔芙蓉花

三洲歌

相送巴陵口含淚上行舟不知三江水何事亦分流

韓原泣

秦兒歌楚兒舞高冠廣額咸陽賈排玉闥登金堂九卿廁足

趨道旁解一朝入左掖門暮出左掖門堂前眾賓客一一乘朱

軒十日一休沐香藥雜上樽麒麟上君衣裏蹏佐君殮

解二得

君歡可君意自謂百年長不棄恩去何時回情斷何由繫昔

如石在山今如水在地

解三

上君綬爲布衣怒未止謁而歸西

市街鼓薩薩衛軍簇簇呼擺圍君家舍人先橫屍

解四

黃紙下

門已鎖金吾將軍夜列火緋衣御史來上坐出詔書一尺組

莫躡躡城頭搗鼓三更餘使者復上青驪駒何以載君廣柳

車

解五

田宅盡没官不得名一錢堂前眾賓客一一歸窮邊先

爲人所畏後爲人所憐

解六

田按此詩爲薛國觀作也其體仿弇州新樂府才力畧不相下

雜詩二首

勁翮有遐舉直木無繁枝邁往絕凡迹端正嘗違時世人重

辛籤卷一

四

容悅滑稽誰能期疾風歎振落橫流悲殆而既丁陰雨會曷

望康衢馳履榮豈永存執義恆在茲炯炯烈士心寒暑安可

移

逐時多近娛邁古懷長憂高節勵貞亮芬芳耀千秋日月逝

逾疾我生獨何求烜赫邀世榮傾側遞相仇葳蕤丹山鳳道

遙凌九州一鳴簫韶奏再鳴商爲周顯晦隨景運難與燕雀

謀曠哉唐虞際念此心悠悠

初入剡中

夙昔耽奇異久負名山期詎意肅于役心賞獲在茲高峯疊

遙巘曲徑沿迴溪沈沈迷積翠靄靄含清暉洩雲岫時沒急

雨瀨屢移青蘿被修坂絳樹灼陰崖迴互見別趣登降各異

委碩人昔考卜荒途恆若斯心迹既杳冥衡宇亦參差抗懷
慚末代尚志徵前規終焉協要妙遲暮良可悲

步桐巖嶺

王承

耽憂自忘倦遇險若貽安尋源無盡澗躋峻轉餘巒千盤上
風磴百折啟雲關丹楓媚綺麗碧嶂竦嶮岏含霧林樾澗翳
日藤蘿寒迴視萬壑底更見羣峯攢升喬意凌越憑虛神汗
漫術阡布霞路闕井出人間懷靈豈存境覲道託殊觀獨立
招予美痲矣摧令顏

古公題楊龍友傲襄陽雲山卷歌百迴雲山滿如無人外

巨靈驅卻剡中山移將煙霧留人寰滿堂雲氣動虛壁流湍
隱見聲潺湲昨夜有人山中還拂筇便欲相追攀但見千山

辛籤卷一

五

萬山溼不盡杳冥迷離白日閒龍眠山人腕欲脫襄陽漫士
天機活神姿出塵自瀟灑筆底空濛見雄闊自稱氣韻跨千
古俗格詎使荆關奪泗水沈淪五百秋雲山滿眼無人收楊
郎盤礴神遠遊欹袖揮灑天爲愁森然欲呼鬼神出玄猿青
兕中淹留米家橫挂殊矜惜新展吳綾百餘尺米畫不過三尺今改長圖
陰洞虛無松檜長深巖窮窅龍蛇坼茅屋高寒少行跡出門
浩浩雲濤積中有人兮歌白石此處雲林安在哉年年絹素
生蒼苔天姥峯頭丹欲就若耶溪邊花正開珊瑚爲杖玉爲
履攜手與君歸去來

平陵東

炎精中燼妖彗紅平陵松柏生秋風四十萬人頌符命巨君

卻在層城宮東郡太守建旗鼓排山動地連關輔五威國將
紛東馳大誥金滕亦何補滂宮薦棘雖無成天下始知稱漢
兵不逢時會豈失策猶與宛雒開先聲斗柄橫斜漸臺蹙白
水真人坐黃屋逢萌束帛卓茂封義公碧血無人哭男兒何
必上雲臺千古徒悲兩黃鶴

怨詩行

九江倒影揚素波洞庭微風鳴白鼉文狸赤鯉迎湘娥翠竹
冷冷蒙女蘿重華一去不復還愁雲萬古蒼梧山五臣八凱
竟誰在空令帝子凋朱顏凋朱顏墮淶水不見軒轅神鼎成
黃金如山映天紫日月光華閭闔開飛龍半負嬋娟子玉笛
杳渺流雕雲升天入地皆隨君小臣徒望青冥哭天路茫茫
竟不聞

辛籤卷一

六

東臬草堂歌

有序

東臬草堂者給諫瞿稼軒先生別墅也丙子冬奸民
奉權貴意訐錢少宗伯及先生下獄賴上明聖越數
月而事得大白我友吳駿公太史作東臬草堂歌以
記之時予方廬居駿公以前歌見寄因爲屬和辭雖
不工而悲喜之情均矣

虞山巖水飛不息虞山先生高卧日黃門從此亦拂衣東臬
平田二頃微翳然林木草堂靜單衣白帽娛金徽高談王霸
神清竦江風獵獵水雲動當時有口每借人公業傾家非自
奉應是清流同調多豈關失職交相重江湖何與中書堂當

門厭爾多芬芳田蚡久欲更延辨朱竝居然來上章十年放
逐念京雒可憐入國雙銀鑷豈惟松桂無顏色長安城中煙
霧塞金吾更向閤門歸告密人從丞相揖但合深文一獄成
何難鉤黨千家及君王神聖揮太阿此曹深計空蹉跎左掖
門邊十步地那知一往如流波舊疾雖痊留不得七月秋風
下潞河道旁小兒戟手罵掩耳莫聽吳人歌大街陳屍誰氏
子相公殺爾可奈何嗚呼男兒全身良不易自稱騎虎終難
事可憐數載黃扉人未識千秋青史字何如草堂突兀山之
陽七檜偃蹇雲蒼茫飛觴樂聖凌滄浪吾聞檻車開一匡胥
靡霖雨與殷商生平報國殊未央草堂何得常徜徉

辛籤卷一
月夜獨坐

七

攬衣隨杳冥雲霧共清深明月常相見幽人愁至今梧桐搖
暮景蟋蟀斷秋心屢夢姮娥冷天高何處尋

燕中諸詩

錄一

玉泉流不極野老說宣宗看象臺邊卧牽牛水上逢屬車驚
雁鷺御幄冷芙蓉欲望景陵樹雲山暝萬重

秋歸涉黃河

風帆狂浪無人相大雷則氣喘

秋水下龍門黃河九曲渾西來浮日月南徙劃乾坤羣燕盤
渦掠千帆折溜奔茫然思禹迹何處是崑崙

寄青田令楊龍友

小郡分千嶂卑官共一州秋雲通畫幔春水遇蘭舟游女湖

爲鏡仙人石作樓羨君郎宿位乃傍少微留

處州上應處
土星故號

古壬午除夕二首

輝輝芳景逼，冉冉壯心懸。日月商歌裏，山川越望前。春風經
晚歲，朔氣動經年。愁絕蓬萊殿，傳烽夜未眠。

滿目愁無賴，偏生此夕中。亂燈懸夜雨，急管候春風。國事幾
投袂，鄉心任轉蓬。明當就詹尹，何計學冥鴻。

避地示勝時

故物經時盡，殊方逐態新。恨無千日酒，真負百年身。芝草終
榮漢，桃花解避秦。寥寥湖海外，天地一遺民。

春寒上元

雕雲遙映火城姿，窈窕湘簾萬戶垂。玉樹吐花千萼舊，虹橋
結綵九長離。遺香宛轉吳歌細，墮珥玲瓏羯鼓遲。最憶燕臺

辛籤卷一

八

繁麗地，內家裝束畫樓時。

春感

春來花信杳難憑，風雨高歌酒不勝。消息龍鸞仙事遠，飄零
鷹犬少年憎。文章綺豔羞江左，蹤迹淹留似茂陵。終日掩書
廣武，歎雄心深夜有飛騰。

潤州

縹緲樓臺柳尚濃，女兒江上障輕容。巖城晴帶三秋雁，孤嶼
寒吟五夜龍。若見餘霞憐謝眺，正當初月想王恭。揚州十二
珠簾捲，隔得煙波第幾重。

望射陽湖志云陳琳墓在其側

古墓依稀見寂寥，平湖十里怨迢迢。是時才士多書佐，此後

文人屬霸朝水冷漳臺餘繡瓦草荒淮浦對寒潮子桓便有當年痛魂共應劉未可招

至後

至後玄風朔氣凝天街繞繞意誰憑東來戍火連三輔北望寒雲滿十陵倦擲黃金隨駿馬時聞綠幘縱蒼鷹夜深不信悲歌俗惟有嚴霜動玉繩

長安雜詩

瓊壺蔽帳侍宸遊十部輶茲在殿頭禁苑起山名萬歲複宮新戲號千秋明馳宣賜朝陽閣紫燕傳封井幹樓上壽後庭齊致語增成箋奏是誰收

八月大風雨中遊泖埕連夕同遊者宋子建尙木陸子

辛籤卷一

九

八玄張子慧

獨上層霄極紫庭空濛天外出雲屏一羣秋雁幾時盡數點海山何處青珠樹有風通弱水芙蓉細雨失湘靈虛疑芳草人無限夜半揚舫問杳冥

燕中秋感

紫塞逶迤鎖八陘薊門天險負滄溟山河中竦開黃屋日月虛迴挂翠屏三輔金戈秋簇簇五陵銀海夜溟溟本朝尙德興王業指點無勞論地形

遼事雜詩

昔年遊俠滿遼陽吹角鳴鞭七寶裝帳下紫貂多上客樓前白馬度名倡椎牛屬國開新市射虎將軍獵大荒李氏家聲

猶帶礪斷垣落日海雲黃

重遊弇園

放艇春寒島嶼深
弁山花木正蕭森
左徒舊宅猶蘭圃
中散荒園尙竹林
十二敦槃誰狎主
三千賓客半知音
風流搖落無人繼
獨立蒼茫異代心

錢塘東望有感

清溪東下大江迴
立馬層崖極望哀
曉日四明霞氣重
春潮三浙浪雲開
禹陵風雨思王會
越國山川出霸才
依舊謝公攜伎處
紅泉碧樹待人來

庚辰除夕大雪時在越署

積雪層陰禹甸中
蒼茫雲海度飛鴻
上才授簡思梁苑
侍女藏鉤憶漢宮
地遠金門慚月俸
年過騎省畏春風
西清玉樹垂垂發
滿眼瓊瑤路不通

辛籤卷一

十

天台萬年寺

迴合千峯嘉樹林
蒼崖碧殿晝陰陰
雲生薜荔虛巖動
日隱松杉絕澗深
僧賜紫衣壇卓錫
經傳白馬字函金
更從閣道凌飛磴
悵望諸天清磬音

秋日雜感二首

金闕珠樓瑞靄中
天門端拱萬方同
鳳城南鎖黃河隘
鳥道西迴紫塞通
三市銅駝愁夜月
五陵石馬慟秋風
玉泉不識朝宗意
依舊東流入漢宮

雙闕三山六代看
龍蟠虎踞舊長安
江陵文武牙籤盡
建業

風流玉樹殘青蓋血飛天日暗黃旗氣掩斗牛寒翩翩入雒
羣公在剩有孤臣淚未乾

采蓮女

明知女伴情欲問誰能說對采芙蓉花相看各愁絕

上谷邊詞

期門小隊出回中帥府旌旗動地紅武帝神遊應汗漫黃榆
夜夜起秋風

曹學佺

三十二首

學佺字能始侯官人萬歷乙未進士除戶部主事調
南大理寺正就遷戶部郎中出爲四川參政進按察
使中察典議調歸起廣西參議遷陝西副使留任桂

辛籤卷一

十一

平道以私撰野史削籍崇禎初復官不赴唐王立授
太常卿遷禮部侍郎進尙書加太子太保事敗走入
山中投纓死乾隆中 賜諡忠節有金陵集挂劍篇
海色篇遊房山稿藤山看梅詩續遊藤山詩玉華篇
茗上篇錢塘看春詩遊太湖詩芝社集天柱篇春別
篇豫章稿江上篇潞河集武林草巴草蜀草雪桂軒
草湘西紀行淨山堂稿福廬遊稿聽泉閣稿夜光堂
稿森軒詩林亭軒詩桂林集更生篇賜環篇西峯集
西峯六四草等集

鍾惺隱秀軒集能始清深之才惜近日詩有淺率之

弊

葉向高蒼霞草大理詩刻意三百篇取材漢魏下乃
及王右丞韋蘇州

筆精閩中近製墨紗縷精巧異常海內爭重之曹能
始會於杭州逢元夕人家有張此燈者乃邀友人同
詠能始詩云質裂橫疑水光生薄似苔憑將彩筆畫
認作剪刀裁鳥向空中度花從鏡裏開細看若無力
不畏曉風吹諸子罷唱

列朝詩集萬歷中年閩人曹能始迴翔棘寺遊宴冶
城賓朋過從名勝延眺搢紳則臧晉叔為眉目布衣
則吳非熊吳允兆柳陳父盛大古為領袖臺賦懷古
爰為憑弔之篇新亭送客亦有傷離之作筆墨橫飛
驚映騰湧此金陵之極盛也戊子中秋子以銀鑪陳
日采詩舊京得金陵社集一編蓋曹氏門客所撰集
也

閩小紀謝在杭云曹能始詩以澹淡情至為工不甚
學盛唐然其送西安太守云長安西望路漫漫秦華
峯陰日色寒長樂宮中秦輦絕未央前殿漢鐘殘月
明渭水浮三輔花滿驪山繡七盤京兆風流誰不羨
時從閩闈書眉看大歷以來罕見斯語子謂此詩尙
非石倉極境在杭學七子者故獨醉心於此耳
池北偶談能始官四川參政與監司謁撫按必於館
中別設一几隸人置書几上對眾一揖即就几披閱
不交一言其孤克如此
古夫于亭雜錄陳大樽明詩選於萬歷以下如湯養

辛籤卷一

三

仍曹能始不愧作者概置之郤下無譏之列此則大
誤
龍性堂詩話曹能始先生云作詩如書者畫者奕者
誣者擊劍者必藉師承指教而後當家若自作聰明
雖極奇別終是外道旨哉言乎

貴人贈詩閩中曹能始題一絕云性內本無文字障
縱耽山水亦支離我曾一宿鵝湖寺峯頂禪師不要

詩
東南嶠外詩話忠節五七律佳句美不勝收如過木

瀆底夕陽湖正滿春草岸俱遙遊楊氏園水積翠沈
波底斜陽到岸西泊大湖清遠峯後月淺隔水度螢
孤別喻宣仲云明月看時別清霜夢後知集南樓云
秋老幾人猶白社月明無主自青山別吳子修云回
首故山俱惜別出門新月便相思上已城樓卽事云
三月風光隴上已兩條消息隔中華皆當時賸豕人

明三十家詩選忠節詩秀骨清聲霞標玉映其辭麗
以則其思深以遠才氣少讓陳忠裕而溫婉過之
田按忠節詩不矜才氣音在絃外其與到之作有矜
羊挂角香象渡河之妙

登石竺山

息徒改俗轍尋仙
騁雲轂谿路綿以紆
山形拔而矗入初狀
條呈披輿境徐蓄千岩
若層累萬樹信攢獨
敷帷固甚密爲
字何其複卽此乘虹
飛因之類鯉伏朱鳥
現毛質玄援衍類
族託命於仙靈詎爲
人所畜我來一叩之
入門展欽肅耳目
攝靈異烏敢恣云欲

游匡廬詩

嘗聞歸宗寺舊宅爲
羲之往往嘉樹陰亦
能得清池古人雖
已沒佳韻良在茲繼
此代不乏始椒靡因
資魏魏金輪峯下
映石鏡溪湖水入我
懷盈盈曲如規

西山紀遊

辛籤卷一

七

山遊已足佳況以湖
爲逕復聞燕昭池懷
古動清興潭泊非
一源中流滙諸勝大
隄修且治方軌路猶
刺士女同時遊締
綵亦相稱顧彼芙蓉
花朵朵誰爲贈祇恐
易凋落秋期不堪
訂眷子留戀懷遲遲
此川曠

丹榴行

有序

貴溪被難時榴樹忽
僵復爵仍活則榮瘁
關之矣故

王命作

君不見見信州丞相
第十二高樓稱綺麗
雕甍共倚黃金堂繡
柱遙連白玉砌瓊恩
寶澤錫嘉名睿藻宸
題照日明方圓法
式頒儀部多少金錢
給水衡複道文窗開
扇扇極目欲窮西
楚甸靈山黛色稠
疊來彭蠡湖光微
渺見山川如故人事
非

聖主元施不測威胥江已見浮鳴去華表空聞化鶴歸魂招
歸來上不得寂寂高樓徒歎息火燒崇墉落劫灰塵飛綺棟
無顏色可憐歿後見精忠青史相傳貫白虹欲知血淚何時
滅秋老榴花開尚紅

黃龍洞看太湖歌

君不見黃龍洞其深下無極視之但似蒼蒼色令人憂疑直
相逼既有異香縹緲從風吹又何以白骨倒挂枯樹枝我聞
老龍在此藏其軀至今千年知有無其靈既能興雲雨磔犬
祀之無乃誣龍乎好睡亦太嬾我欲擲石破汝眼爾胡不翻
大海波亦不潛深山裏在此區區一勺之湖水湖光雖有千
百里吾爲爾謀應未已但見日自西沒風從東來舉酒酌水

辛籤卷一

西

飲我三杯遠者七十二峯以羅列其近大雷而小雷有如雲
屏錦障蕩漾於水晶之宮盈盈進我雙金罍具區形勝盡於
此吳王霸圖安在哉但聞別館離宮滅不見牙檣錦席開湖
水暮兮悠悠蒼煙橫兮上浮羣峯杳兮乍收客亦去兮不可
以留我更呼龍夢中爲我語使我空山一夜愁風雨

不具

田按忠節此詩騷情古意合太白東坡爲一手選家
從未見錄余讀石倉全集獲此一奇爲之一快

西溪看梅短歌

春雲忽渡西溪水溪畔梅花從此始殘僧寂寂時掩扉微滅
禪燈山雨裏山雨透迤沈暮鐘梅林此去幾千重渡頭客問
餘杭酒衣上雲來天目峯數年夢想遊天目誰云路接梅花
屋今宵鷺嶺無他夢祇向龍池看飛瀑

雞鳴寺

雞籠山色翠遙接落星岡
校獵臺成阜栖立寺近塘
園林生蔓草陵寢閉殘陽
幾代高僧住猶存說法堂

盧龍觀

丹梯登涉處高興在秋宵
月下盧龍塞河邊靈鵲橋
遂聲江步遠劍氣冷城銷
王謝留遺迹風流亦可招

秦淮秋怨

四序皆蓄意秋來殊可憐
疏籬豆花雨遠水荻蘆煙
忽弄月中蓬欲開江上船
不知夫婿去仍曾在何年

池北偶談徐禎卿洞庭葉未下蕭湘秋欲生一篇非太白不能作千古絕調也曹學佺亦有秦淮一篇情致殆不減徐

辛籤卷一

五

晚發罨畫溪次日登烏瞻山成宿

野酌戒揚舲溪昏去復停
淺沙催月白密樹誤峯青
鐘出城中寺燈懸畫裏屏
時間清籟發風急水泠泠

圓證寺

我聞圓證寺即在碧崑隈
積雪一峯阻看雲十里來
僧廚流水曲香氣講經臺
最喜茲幽徑松陰寂不開

絕塵菴

僧滇中人
一瓢營此地萬里住孤僧
花竹疏如許峯巒險最能
月來動清磬雨過閉殘燈
試向禪心說誰當比上乘

與飛熊方叔茂之再到楊園

野人來不速地主展相酬
春餘幾許色日須百過遊
石移喧

水閣林缺傲山樓若使王程緩山中定可留

過胡彭舉賦答

昔時惟視友今日乍過君野色貧家積山情隱士分玄言浚
秋壑古思人寒雲坐久不能去應知勝所聞

立春日過雲居菴訪非熊茂之益公

虎林爲客日鸞嶺復春風山色一朝隔梅花兩歲同世情紛
翦絲禪思合眞空應識松扉掩冷然清磬中

春日西湖臨眺

清曉正佳色春煙開幾層漸黃知柳細逾碧見湖澄此際獨
嘯鳥來時同梵僧平隄不覺盡還聞有山登

白沙舊驛

辛籤卷一

去

委蛇窺地脈俛仰託山靈土著無三戶溪光在一庭少時供
客蕙終日是雲扃更有前峯路貪幽未許停

月下放泉

山泉久蓄聲一決眾山鳴松籟起相和荷香濯更清夜深聞
不寐月白看尤明爲問枕流者何如孫子荆

石牌菴卽事

一雨懸秋意孤燈接夜談道糧資茗筍僧爨雜煙嵐法叱山
神護禪容石丈參開堂人已老休念學瞿曇

戊辰二日夜光堂及來江亭少憩

山堂稱稍僻轉入草堂賒梅晚枝猶健江春色漸華鶴糧資
拾橡僧茶學燒畚林籜看初改檐前萬筍遮

題元翰蘆溪精舍
家在南山南山光映一潭夢多臨水闌足豈向城頭夜月懸
高壁秋雲補舊庵主人耽佛理枯坐閉崑龕

和徐興公春日閒居

茅屋春雲鎖幾重朝昏兩度破山鐘詩無宿債輕酬客筆不
停耕可代農社日遠來滄海燕花時喧動隔林蜂杖藜閒入
階前思草碧苔青較甚濃

華林寺看梅有桃花甚開

路迴城北思淒淒寺倚屏山信杖藜疏雨不曾辟客人閒雲
元自任僧樓參差蘭若香分徑高下松根翠作梯祇惜梅花
飛欲盡不知春色在桃鈴

辛籤卷一

七

孟秋二日遊宴半隱園

青雀舟乘杳靄飛曲池偏傍列城圍荷間珠露移尊滿竹裏
金風入管微山氣半疑沈夜燭水紋全欲上秋衣和歌已是
知名土方外于今到者稀

贈周比部座主

秀出手神瓊樹枝清曹無事興逶迤爲歌六代停杯起欲賦
三都載筆隨湖上日浮青玉案山邊秋映白雲司應憐身是
侯芭者得向門前獨問奇

送戚山人之內黃兼簡鄧遠遊明府

三月鶯花別故山萋萋芳草照離顏春光白下無多日夜月
黃河第幾灣置驛正當賓客盛弄琴遙識使君閒閨中易作

刀頭夢珍重休過博望關

漁洋詩話律句有神韻天然不可湊泊者如高季迪白下有山皆遠郭清明無客不思家曹能始春光白下無多日夜月黃河第幾鷺李大虛節過白露猶餘熱秋到黃州始解涼程孟陽瓜步江空微有樹秣陵天遠不宜秋是也

太白讀書處在西巖

萬縣對山有大湖在頂上

石崑湖水片雲端落日輕風生碧瀾祠對江山千古絕酒酣

棋局幾時殘

相傳白詩云大醉西岩一局棋

涪陵渡去名猶在

涪州有李白渡

蜀道

行來信是難一自金陵問消息無人指向萬州看

徐興公鄭汝交鄭孟麀直社平遠臺避暑分得五微韻

臺傍亭榭時盡修復

法界清涼暑氣微招尋無恙菱荷衣層層粉堞穿林出面

辛籤卷一

六

青山對雨飛江海迴環成匹練亭臺錯落似珠璣酒酣卧向

仙床上消息應同靜者機

歸下山送施靈修之武夷

已盡長城勝雪中時返棹諸峯試回首一半在瑤華蒼弁人將別烏程酒耐賒臺應過釣瀨關必度仙霞到處可爲醉此生甯論家武夷拾彩翠羽客飯胡麻折筍松梯直虹橋鳥道斜得予同去好其奈阻天涯

九日石倉移舟登高

雲邊澗水落淙淙攜手煙霞物外蹤欲覓秋光何處是一層

崑壑一層松

遇無窮上人因憶去年雪浪之遊

錢塘門外來尋見雪浪山中記得曾欲問春光誰負卻年年
花發對殘僧

新林浦

夾岸人家映柳條元暉遺蹟草蕭蕭曾爲一夜青山客未得
無情過板橋

池北偶談徐禎卿五集中有一絕云渺渺太湖秋水
關扁舟搖動善琉璃松陵不隔東南望楓落寒塘露
酒旗曹能始新林浦一絕可以相敵

辛籤卷一

九

此籤書無名氏撰本館一費下宜用
此籤書無名氏撰本館一費下宜用
此籤書無名氏撰本館一費下宜用
此籤書無名氏撰本館一費下宜用

大朝人來期賦謝天翻豈草蕪蕪曾爲一寄青山客未得

醉林街

醉林街

醉林街

辛籤

孫承宗

十三首

承宗字稚繩高陽人萬曆甲辰第二人及第授修撰
 進中允歷諭德洗馬庶子少詹事遷禮部侍郎拜兵
 部尚書兼東閣大學士入直辦事自請督師以原官
 加太子太保督山海關及薊遼天津登萊諸處軍務
 屢加少傅太子太傅太子太師少師左柱國進中極
 殿大學士求去加特進光祿大夫罷歸崇禎初以原
 官兵部尚書守通州移鎮關門引疾歸 又大兵攻高
 陽城陷被執投環死福王時贈太師諡文忠乾隆中
 賜諡忠定有高陽集

辛籤卷二

一

國史唯疑解經邦推經畧抵死不赴而孫承宗甯舍
 綸閣之重假請行邊人意量相越至此其云目前可
 代督師者實難其人臣請自往即此肝腸九廟神靈
 鑒之矣時詞林共賦送樞輔行邊詩稱盛事一洗趙
 文肅宿談
 列朝詩集公鐵面劍眉鬢戟張聲如鼓鐘股動牆
 壁方嚴果毅疑如斷山開誠坦中譚笑風發望而知
 其人為偉人長德年三十餘為舉子仗劍游塞下歷
 亭障窮阨寒訪閭老將退通知邊事要書凡史官
 在禁近者皆媿媿姝姝俯射低聲涵養相體謂之女
 兒官公獨不然講筵獻替務為激切劄直以聳動人
 主講罷有軍國大事大瑯傳語問難切直相顧失色
 公拂衣奮袖矯尾厲角拓畫其是非可否中人各有
 所挾持無以奪也東事日亟舉朝請以東事累公遂
 用是大拜單車行邊破七里築城之議遂自請視師
 天子御門臨送詔書鄭重以漢諸葛亮唐裴度為比
 出鎮之初關門三百里樓那鐵騎東巡至營無間將
 四百里徒幕踰七百里樓那鐵騎東巡至營無間將

輿師大舉禡牙有日矣逆闖竊柄畏公與晉陽之甲
垂成而告罷已再起朝受詔而夕引道東便門之
役以十八騎橫穿萬壘抵危關收捍將手復遵永四
城以安畿輔先帝深知公能辦東事公亦謝絕款議
以恢復爲己任羣小居中用事掣其肘絆其足然後
噪而逐之上亦不能自主也高陽失守入城南老營
孫凡十九人皆力戰從死事聞先帝震悼薛國觀猶
斬其卹典弗肯予久之用宏光詔書追贈太傅定諡
日文正公生長北方游學都下鍾嶸峒戴斗之氣負
燕趙悲歌之節作爲文章伸紙屬筆蛟龍屈蟠江河
競注奏疏書檄搖筆數千言灑灑洋洋不問聲病不事
鴻生魁士莫得而窺其涯流也爲詩不問聲病不事
粉澤卓舉沈塞元氣鬱盤說者以爲高陽之詩信矣
靜志居詩話先生自任天下之重盡瘁師中司馬之
檄方馳糞羊之篋已滿危授命無媿五人集中尙
十五忠詩蓋亦有感於增城而作三媿五人集中尙
書南星高總憲攀龍周侍郎炳謨楊副院璉馮副院
從吾何總督士晉左僉院光斗李御史應昇夏御史
之合周中丞起元繆宮諭昌期蘇考工繼歐張尙書
問達汪侍郎輝丁檢討乾學鄧中丞漢袁御史化中
吳總督用先顧憲副大章王尙書紀魏給事大中鄒

辛籤卷二

總憲元標王侍郎之案周主事順昌夏文選嘉遇周
御史宗建周少朝瑞黃御史尊素劉知府鐸萬郡
中燎吳御史裕中張都事汝趙宗伯秉忠公侍郎龔
孟參軍淑孔也東林之君子已得十八九焉先生之
言日起三十五人於九京惜人才之人大有助烈而有
助烈者必此三十五人痛惜人才之人大有助烈而有
田按孫公侍經筵進講熹宗云這講官予甚省其說
是時大璫王安高時明在帝左右舊東宮件讀也故
公進講時得畢陳其說洎魏忠賢得志而帝先後判
若兩人矣公之督師雖由眾臣推薦亦自福清主國
故得行其志福清去而其門生王化貞東事覆逃化貞
子師也先是福清此其門生王化貞東事覆逃化貞
公請並熊廷弼下詔獄此事不無附和爲國家惜
此邊才公近體絕句摹仿唐人特有風調奏疏皆一
時碩畫坐言起行有此偉才旋用旋罷國欲不亡不
可得矣

謁楊太常椒山祠

楊公負奇穎舞象成奇調孝友自天植義烈爲譚笑兩疏志
竟酬一泓血未耗代隔名逾尊祚薄神復耀我來採芳芷灑

泣一憑弔

雜詠

汾陽亦麤官而動合至理君寵恩自渥寵去恩未已部曲卽
散落國難忍不弭單騎豈忘身胸中早定矣其處觀軍容乃
成大君子相州九節度誰咎公無紀

入澗

渡口官河狹風波不肯前遠灘急倦鳥野宿傍漁船枕簟饒
秋意笙簫破暝煙停杯一以望孤棹月清圓

張太宰問達

三十五忠詩錄二

子登朝與太宰同官七品也又十年太宰躋大列子
猶七品太宰道廣而雅不早子每爲子言相州韓稚

辛籤卷二

三

圭以予相州人而乃翁曾官相州萬泰間憑幾諸大
政子頗參大議則當事從予而太宰契予特深予行
塞太宰尋罷去無何以璫破其家而歿其門人黃閣
老爲言罷其逋

太宰清通手登朝四十年弄丸一玩世夾袋幾掄賢家以殘
方破身從死更憐慙勲黃閣老一語報重泉

鄧中丞漢

中丞初備潞河兵予屬也擢薊撫相得驩甚然非知
兵也而精敏有幹局能以意繼岳中丞治悉意革虛
冒補賊帥廢缺矯然有後勁之思人故習江右風節
每言南樂胸中黑以書來不辨遵薊也其接何太僕

小詞實以氣意而遭貶削卒後來者遂從中要議
按劄論脩守能名戚繼光中丞來訓練我武頓維揚揮羽習
鵝鶴投鞭驅虎狼如君凋落盡誰復念封疆

小山王華亭明府過舟中
欵側蒿巾曳薜蘿那堪車騎漫相過蟠空見鷓鴣雲鳥徹底
魚龍避玉珂馬踏橫塘芳草膩舟雜野渡落花多人憐茂宰
崔秋浦白袷紅顏映碧波

楊柳枝

古來折楊柳多緣離別時春風知客意先長最長枝

高樓當月夜遠思聚重檐玉笛誰家弄翻來昔昔鹽

高樓當月夜遠思聚重檐玉笛誰家弄翻來昔昔鹽

辛籤卷二

四

宮詞

珠簾不斷春風度又報麟麟翠輦過二十六宮渾見月知他
清影向誰多

悼鸚鵡

雪白梨花薜荔牆一聲初落曉風香別來故國三千里羞伴
烏衣語畫梁

小山曲曲小凌河錦水成文總不波偶憶蓮花泊裏月一帆

風色伴漁蓑

朱大將軍龍鎮歸中前投函問我爲詩羨之二首

小隊曾遊白塔峪元戎初試黑庄窠道旁一喏千人廢八部

降王未敢過

朝恩一拜觀軍容胡騎千羣錦水東最是甯山餘勇在滿城
齊唱黑王公

孫傳庭 四首

傳庭字伯雅代州振武衛人萬厯己未進士除永城
知縣改商邱徵授吏部主事歷員外郎中擢順天府
丞以右僉都御史巡撫陝西擢兵部侍郎總督保定
山東河南軍務以忤楊嗣昌劾其託疾斥為民下詔
獄就獄中起兵部侍郎總督陝西兼督河南四川軍
務進兵部尚書兼督山西湖廣貴州江南北軍務軍
敗沒於陣乾隆中 賜諡忠靖有白谷集六卷

辛籤卷二

五

四庫總目傳庭有鑿勞錄已著錄史載崇禎十一年李
自成自蜀還走陝西傳庭扼諸澄城分兵五道擊之
降其驍將混天星等朝廷特以為屏蔽十六年出師
潼關降其僞將四天王李養純擒其果毅將軍謝君
友自成懼謀降賊幾盡滅乃以中旨督戰值霖雨七
日餉絕軍亂致敗遂沒於陣今證以集中澄城報捷
諸奏疏一一相符惟史載崇禎十二年正月戊辰劉
宇亮孫傳庭會師十八萬於晉州不敢進考集中官
軍苦戰疏內稱解真定之圍救濟南之陷出口之役
又率所統領將官兵戮力合戰事皆在正月戊辰之
後又恭聽處分兼應血忱疏內懸舉正月二十七日
臣勉欲先發兵馳東扼擊而督察不從二十七日
臣勉發曹變鼓揚國柱等兵先往次早復約督察同
往或臣獨往而督察又力阻云云督察乃劉宇亮也
據此則兵集不敢進其責全在宇亮傳庭特為所牽
掣耳
田按孫公沆秦身係明之安危乃一扼於武陵再扼
於秦之士大夫秦既失矣明自此亡思陵號察主公
至國門不得一見其情事無異閻士之所為臨亂之
君自賢其臣悲夫

園居

不是耽玄寂吾生合隱淪煙霞支病骨山水愛閒身草閣全
無暑花田別有春祇應成獨往魚鳥自相親

西溪舟泛

星漢仙槎杳扁舟樂意關自能專一壑何用訪三山萬事無
過酒浮名好是閒漁鷗堪作侶竟日每忘還

送友人還里

梁園十月共清嬉愛爾人如玉樹枝四海論心惟我輩一時
分手又天涯黃河水接龍門下大麓雲連雁塞垂極目關山
情共遠與君重醉定何期

秋興

西風一雁下河洲客思悠悠獨倚樓窮塞不堪逢九月美人

辛籤卷二

六

何事隔三秋看莢把酒情何限對菊吟詩意未休欲向中原
舒望眼南雲北樹總關愁

高名衡

五首

名衡字平仲沂水人崇禎辛未進士除如皋知縣改
興化徵授御史巡按河南就擢右僉都御史巡撫其
地李自成三寇開封堅守不拔決河灌城泛舟出敘
勞加兵部侍郎以疾歸 大清兵破沂州死之乾隆
中 賜諡忠節有更生吟

題畫衣寄內五首

對月偏成憶臨風更有思鄉心無可寄聊寫最嬌枝
花枝嬌且妍置之在懷袖好記花枝新憐取衣裳舊

輕禱畫折枝悠悠感我思畫時腸已斷著時心自知
霧縠偏宜暑冰綃迴出塵著時憐百朵應憶畫眉人
客邸長安一世無畫長人靜影形孤閒將一段鴉溪絹寫作

名花百種圖

張貞渠邱耳夢錄余家舊藏畫衣一沂水高中丞筆也蓋寫折枝並卉於白練上摹以青紗而成之者凡花卉二十五種作三十二叢衣之前後及左右者凡五七言斷句先侍御與先生同年相好過其邸舍題適成將以遺張夫人侍御公一見欣然輒自持去先生亦無難色及先生夫婦伏節同日并命可謂與日月爭光矣而其平日風流自命柔翰關情如此毋亦靖節賦閒情故事耶

張銓一首

銓字宇衡沁水人萬曆甲辰進士除保定推官擢浙江道御史巡按遼東陣亡贈大理少卿加贈兵部尚

辛籤卷二

七

書諡忠烈有集

東林雜俎萬曆甲辰科兩張銓一大名人官參政一沁水人以御史殉遼難俱乙亥正月二十八日生科第子女皆同亦一奇也參政前守兗州有登岱詩後姜士望使君重沁水勒詩於石不知其詳

山居

懶散厭逢迎屏居謝塵鞅卜築綠脩澗軒窗豁虛敞眾山爭
向背閒雲互來往月印石潭清鳥鳴岩淙響迴颿松濤亂過
雨藥苗長貪奇事幽尋即景得孤賞境遠淡物情機息斷紛
想身世遠寂寞終焉遂偃仰

傅梅二首

梅字元鼎邢臺人萬曆辛卯舉人除登封知縣擢刑部主事以爭挺擊案罷官起台州知州解職家居大

兵下順德抗節死贈太常少卿乾隆中賜諡忠節

有簡翁詩集

田按元鼎官登封時作嵩書前此盧元明嵩高記吳
鈞嵩嶽靈跡皆畧而不詳嵩書十三篇號為贗備建
存古書院凡二室殘碑斷碣有文字可識於荆
榛瓦礫中嵌於堂壁可謂好事又移戒壇石幢於衙
齋之前移光肅贈詩云古壇欹側石無數慧日茫茫
起煙霧石幢壁立幾千秋苔碧土花空朝暮合君好
奇未可傳移來獨置小齋頭雕文篆刻重磨洗金界
靈光燭斗牛紀其事也

遇聖峯

金華前嶺極高常與雲霧相薄其巔有石如削
宗高閣建蓮臺懸鐘磬以觀日出高嶺生持節

仙人垂大耳石上採菖蒲漢主無仙骨重蓬更有無

檀香峯

寶觀巖大嶺心巖再諸觀 大嶺具不與與

林是旃檀林外更無雜樹可怪卓錫人不在此峯住

鹿善繼 三首

鹿善與人萬想琴琴戲士戲武將主事以

辛籤卷二

八

善繼字伯順定興人萬厯癸丑進士授戶部主事以

事謫官起兵部軍前贊畫歷員外郎中告歸崇禎初

起尙寶卿進太常少卿再請歸 大清兵下定興死

贈大理卿諡忠節有無欲齋詩鈔更奇無

孫承宗高陽集范陽鹿伯順以進士高第主計曹政
輒發金花餉遼神皇帝震怒索金花急伯順得諫
光熹兩朝起官遷司馬曹士職居東則伯順務伯順
管章奏題覆從子行邊于後當方政則伯順推銓
矣伯順辭銓居樞辭京職居邊僅敘選副郎遭瑞忠
從子歸口不言功亦不及今皇帝起太常管光祿
事請告其居東拓地四百里無一出伯順經畫而
光祿細大兼營無一不似發金花也旋里居江村遠
近及門之士無不服鹿伯順以年秋敵犯城南方
陽令謁公為守實無一備伯順以年秋敵犯城南方
尺牘空拳調練而敵已薄城伯順禦之東而西偏有
心張空拳調練而敵已薄城伯順禦之東而西偏有
逾垣者敵遂登陣伯順攔白刃不避愆伯順死矣
世人利害之屬有窮通得喪有毀譽成虧至死生而

極子向固規伯嘖之一窮通齊得喪忘毀譽渾成虧
今乃親規其不_二死生乎悲夫
孫奇逢曰譜伯順先生生平有三變爲諸生時有嗜
書之癖飯不呼之常不應初登第一介必嚴萬人必
往故到處能循職掌人人驚爲破格事掄關三年功
名之念已灰生死之關亦破每以朝聞夕死爲談柄
故能從容就義而神不亂
李光地榕村集忠節鹿公詩如操筆直吐者而宛轉
曲至使讀之者若親見聞其義形之色憤慨之聲深
情遠慨足以敦堯振儒於無窮
田按天啟間魏忠節周忠介親騎赴獄道出定興忠
節以退老之紳守黑子驛丸之邑城亡與亡是父是
子江村一片地遂爲節義之鄉輝矣哉
舊雨寒銷臘新正日屬人三年從患難一意爲君親戍馬肥

邊草征袍積塞塵甘泉烽火息紫氣滿彤宸

此謝諷揚忠愍祠

辛籤卷二

九

此地拜先生昂然氣不平鬚眉常颯爽風雨益淒清想見埋
輪意猶聞請劍聲丈夫存本色千古藐榮名

隨督師行邊和韻

錦繖瑠弓小隊分歷憑沙塞指黃雲迤南平野排魚麗直北
危峯過雁羣髀肉暗從鞍上盡雞聲誰共夜中間朝廷不吝
通侯賞幕府何人第一勳

南居益一首

居益字思受渭南人萬曆辛丑進士授刑部主事歷

員外郎中出爲廣平知府歷山西副使參政按察使

布政使入爲太僕卿以右副都御史巡撫福建遷工

部侍郎總督河道以忤魏忠賢削籍崇禎初起戶部

侍郎總督倉場遷工部尚書以事削籍歸李自成陷

渭南不屈死

田按思受不為賊屈加以炮烙絕食七日死大節炳然官福建時捐俸刑徐興公麓峯集蓋亦留心風雅者也

從花源川入靈臺望玄象山簡家太史

夙齡慕遐蹈栖志在名山豈謂塵內蹤聊復事遊盤伊余攜

同好展眺緣清川花迷樵客路泉韻幽人絃雲端矚遙巘林

表披晴煙蒼麝戲蘭薄玄鶴下芝田耳目極昭曠真賞契冥

筌升危戒顛躓撫已慙貞堅安得瑤華音一寄瓊臺仙

尹伸 四首

伸字子求宜賓人萬歷戊戌進士除承天推官遷南

辛籤卷二

十

兵部主事歷員外郎中出為西安知府歷陝西副使

蘇松兵備參政投劾歸天啟中起貴州參政解職去

崇禎中起河南布政使罷歸福王時起太常卿未赴

張獻忠寇四川被執死之乾隆中 賜諡忠節有康

樂堂集

田按子求以邊才起貴州參政其得黔報寄示兩子云仕宦通黔籍時比於放流頃者因戎馬反名才見

收衰年履瘴鄉病驅親戈子中子不樂聞况使老妻憂其出黔城途次漫興云舊著歸田賦今成不職歸

蓋子求分守威清道貴陽聞解巡撫子求突圍歸深入官戴罪辨賊後頗有功猶及一秩視事旋罷去所謂

今成不職歸也張獻忠陷敘州得子求重其名不殺子求罵益厲遂攢殺之死事甚烈

病後田園雜詠

荒俗無筆畊仁義買寒饑曠論薄田舍英雄亦我欺糞車卻
走馬堯舜在一犁附郭多膏腴甲族所必規百里就堯塢豈
徒峯壑奇智力所不到其塗乃坦夷農情自積習薄取給冬
炊百窘博一閒乘除敢自私人生活滿意難尙恐過其涯

出黔城途次漫興二首

舊著歸田賦今成不職歸貪趨王儉府愧息漢陰機用舍從
時論馳驅與願違生還差可喜風日駛驂騑
出郭三十里雲峯便不同村樓紅葉兩山磬碧溪風耕盞甘
長賤琴書守固窮青山懸望眼沽酒問郵筒

小覺

秋蟲唧唧夜初長斗帳猶疑燈燭光二豎苦爭閒日月百年

辛籤卷二

十一

誰共好林塘松濤挾雨瓦聲冷瓶水儲花幽夢香此際關心
竟何事五經全未入巾箱

傅宗龍一首

宗龍字仲綸昆明人萬歷庚戌進士除銅梁知縣改
巴縣徵授戶部主事遷御史監貴州軍加太僕少卿
以右僉都御史巡撫順天拜兵部侍郎總督薊遼保
定軍務以事奪官起四川巡撫召拜兵部尚書以事
繫獄起兵部侍郎兼右僉都御史總督陝西三邊軍
務兵敗死之贈兵部尚書加太子少保諡忠壯

宿邊城望軍營

獨上邊城憑曲欄戎旌獵獵背人看月華千里夜旂動星彩

一天秋帳寒只恐驚鳥棲不定其如旅雁度猶難愁來顧影
頻搔首燈暗軍門漏漸殘

畢拱辰 三首

拱辰字星伯掖人萬歷丙辰進士除朝邑知縣改鹽
城累遷淮徐兵備僉事改山西李自成寇山西城陷
死之乾隆中 賜諡烈愍有珠船齋詩見溪存稿旅

詠馭餘系曜近草

薄音集王西樵曰僉憲博綜鴻秘不減曹倉鄴架萊
乘一編文獻所資爲詩無恢詭驚豔之才而好藁青
藤譚菴諸公不無邯鄲之恨然劉其榛蕪擷其荇秀
亦復矯矯不凡其句如千峯低雁影十里辨龍腥讀
魏瑤始末云紙上忠魂餘血淚人間羽黨尙鬚眉示
丙云精薄祇堪添鶴料局寒仍欲泣牛衣贈友云六
朝根草貧相負八米新吟寒自嗟又範成島佛金千
笏夢到江花筆幾床皆有別趣

辛籤卷二

三

贈都昌吳尉

萬里服微官鳴琴一署寒口碑酬眾易手板向人難公事花
間出故園天際看翩翩雙鵝鳥幾日下金灘

遊武宮觀道經雙鳳山

雙鳳何年峙荒祠高下憑蝸涎粘斷磬燐火續幽燈村吠
疑豹堂空虎是僧靈虛 自注劉長生宮名 方有待促轡不成登

贈李揮使造船瓜州

烽高海國已頻年舟楫何人問濟川北地雄風推李廣南人
長技數樓船曲江薄色千帆出浮玉鐘聲一水懸憶爾揚舲
東首日淮流三月碧於天

蔡道憲 三首

道憲字元白晉江人崇禎丁丑進士除大理推官未
赴改長沙癸未八月秦賊張獻忠攻長沙城陷被執
磔死事聞贈太僕少卿諡忠烈有悔後集

靜志居詩話江門自序悔後集云悔後者何前日妄
作詩今日之作且輯之以俟後日之再悔也其虛懷
可見詩雖音節未諧而清婉越俗如移竹已抽三尺
筍種桃爭發一庭花又湘水清紫藤花落魚子生皆

不失爲佳句

田按公死時年僅二十九其平日捕盜安甞之方臨
難備禦戰守之策偉然碩畫不幸冠眾兵單城陷被
執多方說降罵賊不屈至寸磔以死何其烈也集中
詩瀟灑出塵不得以尋常聲律繩之

借元謨諸昆過東汝兄迎台閣晚挑燈小桃源分韻

南北相過莫厭頻秋衾夢繞白雲新何如小閣一尊酒迭作
名山兩主人醕醴只爲公瑾醉寒花應著阮郎春殷勤石上
栖燈火數尺溪亭環幾巡

辛籤卷二

三

送同寅周石拙之攸

爾我交情與古期碁敲燈炮夜深時一天月好人方去滿地
秋清愁可知無以別君惟有酒若還憶我但看詩官齋此夜
仍須掩癯鶴一雙卧北籬

留別諸葛士倫叔

欲別未應別愛君愁語君青山知送客容易起秋雲

宋致二首

致字文玉一字九青萊陽人天啟乙丑進士除虞城

知縣改杞縣擢吏科給事中遷刑科都給事中歷太

常少卿大理卿擢工部侍郎以廷推下獄除名家居

大清兵下萊陽死之乾隆中 賜諡忠節

梅村詩話九青少類異為詩學少陵愛蒼渾而斥婉麗然不無踳駁當其合處不減古人嘗與余同使楚訪鄭詩亦清逸其贈什日割牛折衡同年章天下婁東與萊陽謂我兩人也九青登黃鶴樓過小孤皆有詩今失記惟憶其獄中言懷一聯云朋友誰與生死問朝廷今作是非看時上方切治苞苴而金吾微卒乘之反行其姦利貪吏放手無罰而寸蹠三國樹逮治九青之語蓋實錄也過南有云草迷三國樹水改六朝山九青曰天下之山未有不由水改者其用意精刻如此

晚秋窮居

養齋宜茲地多閒慮自輕菊耽十月色梧領一秋聲散病歡移坐思家遇送行憂來只遠望無計出春明

悼舊

辛籤卷二

古

畫閣紅樓第一家曾將玉珮向人誇祇今風雨清明後燕啄香泥葬落花

盧安世一首

安世字環水赤水衛人萬歷壬子舉人除富順教諭超擢僉事遷貴州參議歷四川副使進參政請告歸起四川參議張獻忠寇四川被執不屈死福王時贈

布政使乾隆中 賜諡節愍

田按環水殉節史傳不載其監軍遵義也卽水西之沙崖古樓鎮南底水中澤烏江茶山羊崖版角黎民吳馬口等十三隘置兵守險總督朱燮元成功以環水守隘之功為多史亦不詳余當為環水作列傳以補史闕

奢夫人

吳不萊製天... 觀... 奢夫人

都督持威太自輕翻令順德據聲名君看九驛奢香路豈直
宜娘解用兵

朱萬年一首

萬年字鶴南黎平人萬厯己酉舉人除定陶知縣改
中城兵馬司指揮遷戶部主事歷員外郎中出爲萊

州知府叛將孔有德圍萊詭乞降出城招撫被執不
屈死之贈太常少卿乾隆中 賜諡烈愍

田按朱公守萊以慈惠得民心崇禎四年援大凌河
遊擊孔有德李九成等叛於吳橋連陷郡邑公聞變
即召同城官師士民條約二十四事城中戰守具倉
卒悉辦嚴士民逃城之禁權豪貴人寓居一齊以法
無得擱出於是危城中人人有固志賊百計來攻隨
方抵禦六閱月城中食盡和尪尪以餓捍圍者至啖
井泥公巡行撫摩士卒強起謹呼終無畔志時本兵
熊明遇主撫議文武大吏多和之賊知公得民心伴

辛籤卷二

五

禮講撫者且曰必得朱公出要我爲信公曰叛兵殘
郡邑殺命吏自知不赦必無降理同事者強以行公
歎曰知府食祿爲王臣此身固不敢惜借巡無謝頭
出有德并執之猝攻城公給之日徒執我無益速以
精銳從我呼守門者出降賊果以精騎盡五百擁至城
下公大呼曰我被賊欺誓必死彼精騎盡在此可發
礮急擊之無顧我城上人必公在不忍發公復頓足
大呼賊怒亂刺刃公大罵不絕而死城上乃發礮賊
精兵死過半後援兵至圍乃解萊人念公死甚烈且
先後有全城功以七月七日爲公忌辰歌舞牲醴士
女拜祈者日萬計訖二百餘年弗衰

與友人論皮林事兼悼閔千戶

有序

永從縣皮林蠻當播逆發難時糾諸苗反佐逆攻陷

縣城焚五開衛播滅沉撫江公鐸會師命總兵陳公

麟等七道進討平之時萬厯辛丑三月也方皮賊初

起新化守禦所千戶閔公宗騫字繩武者奉檄以屯

無賴進兵三百進討孤軍深入直搗賊巢殺傷過當賊悉眾
圍之糧盡援絕力戰死賊四裂其尸三百人唯郝姓
茶一人走免先是公整隊出門時所乘馬仰首長鳴反
走不前者三公厲聲策之曰爾知此行兇耶丈夫得
死疆場幸矣既遇害馬縱橫蹶齧賊莫敢近破圍疾
奔至家公妻薛見而號曰馬獨歸夫子死矣夜馬亦
悲鳴不食死磷等尋奏功亦公先劉其銳故易爲力
而公死事猶未上聞也

播酋數十世其地千餘里一朝萌逆節誅滅因之始蠹爾皮
林蠻怒蛙居井底爾之所據險與眾復有幾持而與播較未
及身一指助逆已無功而尙不自揣居然破城邑浪欲謀不
軌懸知一旅來定作刀下鬼銅關鐵爲砦一笑豈能恃獨傷
千戶公全軍沒於此鬼馬獨歸來悲鳴亦同死旌忠猶有待
誰聒當路耳

辛籤卷二

張秉文一首

秉文字含之桐城人萬厯庚戌進士授戶部主事歷
員外郎中出爲撫州知府厯福建參政廣東按察使
遷山東布政使大兵臨濟南城潰死之贈太常卿
乾隆中賞賜諡忠節有楚草闌草

茶洋夜泊

荒驛停孤棹遙村接暮煙湖寬全受月窗小半窺天瀾酒蠅
無賴欺燈蛾可憐清光盈一水流恨此年年

楚煙二首

煙字非煙曹州人天啟乙丑進士官戶部主事告歸

大兵下曹州抗節死有紫芝堂集

寄友人

今日飛鳧客真成采藥行山民供赤葛野客獻黃精從政兼

求道緯真豈累名自茲方去穀官舍未嫌清

秋日雨後有賦呈成穉元

煙斂青林豁風含碧竹新遙知孟處士孤賞對秋旻

黎弘業

弘業字孟擴增城人天啟辛酉舉人官和州知州流

寇陷城死之贈太僕少卿

辛籤卷二

歷陽遺音黎公弘業守和州崇禎乙亥春賊破巢縣郡戒嚴未幾賊退賦詩以勞郡士冬賊復至陷和州公殉焉

賊退賦詩勞郡士

狂寇游氛漸釋騷忠肝在在切同袍微臣守土真吾分多土

登陣亦太勞燭影暗搖山月淡劍光寒拂曉霜高囊韞此日

清宵永摘錦窗前醉彩毫

馬如蛟

如蛟字騰仲和州人天啟壬戌進士除山陰知縣徵

授御史以事落職尋復官家居未赴流賊陷和州戰

死贈太僕少卿有訥齋集

一百五日同周六建魯過鶴嶼分得清字

尋春赴林壑芒屨覺身輕問酒樂同志聞鶯懷友生花飛新
樹密雨過亂流清聯袂穿桃鳴人疑到赤城

人周而清 一首

而清字還之拔人崇禎丁丑進士授兵科給事中督
畿輔諸郡城守 大清兵下河間死之贈太常少卿

乾隆中 賜諡節愍

計偕寄諸兄弟

珍重開封字離情紙上看春風吹馬首昨日到長安

馮一第 一首

一第字根公長沙人天啟丁丑舉人張獻忠陷長沙

被執不屈死之有代古詩一卷賁閣吟譜二卷

辛籤卷二

大

沅湘者舊集根公先生以詩文雄湖湘間崇禎癸未
張獻忠陷長沙先生走湘鄉將乞師他所賊下總檄
徵求甚急先生作書卻之又作自弔文避亂改姓文
以自悼賊檄再下度先生終不至乃繫其母與兄招
之不得已就縛賊乃斫其兩手置營中一夕老僧從
旁伏地哭請免賊乃斫其兩手置營中一夕老僧從
獲免先生請修介節廉頑立孺著述甚富尤精史學
以所論著形為歌詠作代古詩斷自虞初迄隋季得
入詩者四十九人謂李唐而下變詩為律稱近體無
古詩遂止不作嘗與竟陵交竟陵招先生讀書寒河
入詩社不赴古詩嚴冷幽峭不能盡脫鍾譚習氣

秋夜同陶仲調宿嶽麓

明月發深樹山氣窳清古躡子松間影徘徊快所吐秋天曠

人思茲游結四五以子客中心憩我廬邊塢皎皎鐘聲內霜

光如亭午菊風生露香澹然吟篆縷戀此終夜清憑樓俯江

渚

盧象昇

一第

象昇字建斗宜興人天啟壬戌進士授戶部主事懸員外出為大名知府進參政副使按察使以右僉都

御史巡撫鄖陽擢右副都御史改撫湖廣總理江北

河南山東湖廣四川軍務進兵部侍郎解巡撫任加

太子督山西陝西軍務改督宣大丁外艱乞奔喪不允候

滿憂兩代進兵部尚書大清兵入牆子嶺賜尙方劍督天

下援兵尋奪尙書以侍郎視事為楊嗣昌高起潛所

搗兵敗賈莊力戰死贈太子少師兵部尙書廕錦衣

關門不千戶福王時追諡忠烈乾隆中賜諡忠肅有集十

二卷

辛籤卷二

九

勝朝殉節諸臣錄象昇有勇略先後治兵十餘年身

經百數十戰親冒矢石未嘗挫衄為揚嗣昌輩所尼

屢起屢顛崇禎十一年大兵臨蒿水橋象昇督戰

以孤軍無援殲盡矢竭徒手格鬪身被四矢三刃可

死

吳娘買五尺題衣銀太子之嗣吳高尙書

失題

池邊雨細花落簾外風清日長呼童採藥蘿徑對客攤書石

床

晉山西刺西軍統帥齊宣大丁心腹

呂維祺

五首

雜祺

字介孺河南新安人萬曆癸丑進士除宛州推

官入為吏部主事歷員外郎申告歸崇禎初起尙寶

漢書 潰奪職歸流賊陷洛陽被執不屈死贈太子太保諡
忠節追贈太傅乾隆中 賜諡忠敬有明德先生集

二十六卷

當平 田按呂公以講學名臨難大節炳然詩頗風華亦如
宋廣平之賦梅花也

米家園 去否 米家園 米家園 米家園 米家園

爲園亦有米顛風想在城隅煙水中閣向西山收拾紫花從
內苑借將紅人常走馬邀詩客自說調鷗署海翁任許清吟
窮此趣難窮吾亦不能窮 鳳凰 鳳凰 鳳凰 鳳凰

逐日米家童 千歲 千歲 千歲 千歲

閉門不惹九衢塵但向蕭齋問主人行處須教詩在握愁來
莫厭酒沾脣幽谿尋藥輪康友隔嶺傳書勝雁臣除卻爐香

辛籤卷二

辛

同茗枕居然無事一閒身 東文 東文 東文 東文

門遊雙瓦官寺 門遊雙瓦官寺 門遊雙瓦官寺 門遊雙瓦官寺

逐日趨公至午殘多尋幽勝暫傳餐三山地老唐供奉雙寺

僧爭晉瓦官亂竹臺荒遊鳳趾寒楓洲冷放魚灘蕭騷意思

無人識自解囊琴對水彈 黃香 黃香 黃香 黃香

午睡 午睡 午睡 午睡

楊柳青青春去否上林花事竟如何小窗睡起無人語那得

當年春夢夢 當年春夢夢 當年春夢夢 當年春夢夢

落花

舞罷香魂不可招滿庭紅雨意蕭蕭夕陽枝上堆濃綠猶是

新妝簇翠翹

珽字君寔監利人萬歷進士歷御史僉都御史

巡撫登萊叛將李九成等圍萊州出城撫賊為所害

贈兵部侍郎乾隆中賜諡節愍有夢草堂集

許昌弔魏武

竊據雄圖勢凜然老奸末路亦堪憐才名父子無軒輊算局君臣止後先橫槊氣消原上草分香花冷路旁煙黃昏車馬牽愁處烏鵲還飛月滿天

李士標 二首

士標字霞舉嘉興人博士應徵子國子生除上林苑

署丞遷甯海州同崇禎十五年冷口兵入山左所過

辛籤卷二

三

州縣望風而潰州城陷死之贈尙寶司丞有蒼雪齋

集

勝朝殉節諸臣錄山東甯海州同李士標崇禎十五年州城被圍力疾守城死妻沈氏一門二十三人同殉

木瀆道中

宿雨飛花路煙光漏午曦江暄夜乍減春去客先知新水始

濡棹亂山層繞籬雲歸滿西澗沽酒繫船時

秋日借下澗父移棹虎邱

沿隄一舸逐秋風都載清尊二客同帘影乍移山店晚楓梢

初著水亭紅虎嘜北距通關路鶴市西來盡佛宮新月半江

人倚樞同聽歌吹白雲中

辛籤

范景文

五首

景文字夢章吳橋人萬曆癸丑進士除東昌推官擢
吏部主事歷員外郎中移疾歸崇禎初起太常少卿
以右僉都御史巡撫河南擢兵部添注侍郎以憂歸
起南右都御史就拜兵部尚書參贊機務以救黃道
周等觸帝怒削籍為民起原官未上改刑部復改工
部兼東閣大學士入參機務京城陷投井死福王立
贈太傅諡文貞順治中 賜諡文忠有集十二卷

辛籤卷三

列朝詩集夢章秀羸文弱身不勝衣啜茶品香論詩
顧曲每以江左風流自命一旦持大議抗大節屹然
與高陽定興並峙崆峒戴斗為之生色
靜志居詩話啟禎之際秦聲變而至文天瑞楚調變
而至尹宣子越吟變而至王季重正音掃地矣吳橋
博綜舊章領袖羣雅其詩發揚而不厲新警而不佻
獨自成家不飲狂泉之水
田按公以救石齋削籍致集中諫論當存人材可惜
一疏可見牧齋云武陵起復夢章自南率九卿論劾
竹垞云生劾時相除名非其實也又集中有論僉文
燦撫賊未可輕信一疏云皇上銳意蕩平以撻僉文
柄屬於熊支燦十二萬之兵二百餘萬之餉不惜竭
海內民力九邊兵力供其指揮原欲摧陷廓清洗而
空之非令一撫黎彼苞孽為苟且計也從來治盜之
法日勤日撫權可兼行勢難偏廢勦而後撫求撫在
彼而權在我不勦而撫在彼則叛服不常且撫之非
可操縱自如權在彼則叛服不常且撫之非
一日此撫彼叛朝撫暮叛外撫中叛今楚賊張獻忠
人不散隊械不去身分食於地資貨於商據陸而復
問水市馬而復造舟此其逆萌叵測伺隙狂逞儻養
癰一潰破浪乘風豈有及乎論剿撫之局洞若觀火
徒易於響應噬臍豈有及乎論剿撫之局洞若觀火

明史本傳不載故詳錄之公論詩云余嘗笑文人多
事壇坫相高莫不欲盡易昔人所為獨雄千古不知
矯枉有過指摘適蕪往者代生數人相繼以起其議
如波如吳下之正用脩近代之醜王李後必非先沿
為故事擬古造新入途非一尊吳右楚我法堅持彼
此紛囂莫辨誰是持論可謂平允故作詩不主張派
別秀穎清新兼賦中原莞樞江左輕裘緩帶可想見
風流人豪公甲申殉難詩云孤臣空灑淚天步遂如
斯妖蝕三光暗心盟九廟知翠華迷草路淮水漲煙
斯故國千年恨忠魂逸玉墀蓋不知帝已殉國猶莫
蒙塵南巡也

石頭城

荒荒憑故壘傳是石頭城返照三山影江流六代聲露華臨
夜白天氣入秋清俯仰悲人代還看古月明

秋夜偶成

小立虛亭內遠香靜可聞伴惟邀冷月影欲帶涼雲傷晚憐

辛籤卷三

秋老含情坐夜分深心何所寄酌酒取微醺

客有詢近狀者書此以答

君問歸來事閒時手一編飢臨乞米帖貧乏買山錢鶴性如
人傲花枝近水妍猶容吳客至語帶五湖煙

和友人閒居之作

夜裏刪詩日看山縱然忙殺也清閒從教花落休閑徑除却
僧來即閉關性好積書終是癖身無小病怕成頑幽棲未盡
聲聞累鶴舞翻翻鳥語蠻

戲贈同波上人

雲心已冷氣如虹坐聽鳴泉說苦空脫下袈裟調駿馬教人
錯認是支公

倪元璐二首

元璐字玉汝上虞人天啟壬戌進士改庶吉士授編修進司業遷中允歷諭德庶子進祭酒落職閒住起兵部侍郎超拜戶部尚書都城陷自縊死福王立贈太保吏部尚書諡文正順治中 賜諡文貞有文集

十七卷奏疏十二卷詩集二卷

陳子龍忠裕集鴻寶先生以英明天挺之才宏遠多識之學奏對則騷賈董掌制則追典謨閩經則並游夏執簡則儷南狐應酬之文辨雕所至已絕攀躡無溢美無虛譽與世之作者殊方論志居詩話尚書晚築室於紹興府城南隅隱澹法式皆手自繪畫巧匠見之束手既成始歎其精工時方患目疾取程君房方于魯所製墨塗壁默坐其中堂東飛閣三層扇曰衣雲先闌則萬壑千巖皆在身下適石齋黃公至越施以錦帷張燈四照黃公不怡謂國步多艱吾輩不宜宴樂尙書笑曰會與公訣爾

辛籤卷三

既北行遂殉寇難開順治初尙存曩嘗攜舍弟千里暇輒登焉今已鞠為荒草矣

無聲詩史鴻寶詩文爲世所重行草書如香錦羅奇月一縷軸間寫文石以水墨生暈蒼潤古雅頗具別

致文心之餘緒也陶元藻越畫見聞鴻寶畫幅山皆峻嶒兀冥林木則

蒼莽鬱葱妙法喜用大小劈斧不屑描頭畫角取媚於人王香泉云吾生平頗愛天池書法脫盡俗塵及

置倪公行草之旁便如小巫見大巫無坐立處余謂倪徐二家畫亦然蓋倪以雄深高渾見魄力徐以蕭

疏古淡見精神倪有忠義之氣流露毫端去人自遠

田按公始釋褐不輕造謁首輔福清嘗曰三年無片刺及吾門者只一倪君也思陵登極誅鉤閣寺朝端

水火未盡廓清公戊辰三疏廓東林焚毀與一石齋謂公每一疏出如撞朝鐘上震雷序袞袞響用一扼於

烏程再扼於井研偉抱碩畫說不得展卷抱出輿廣淵同隕哀哉公詩頗近公安一派余擇其詞有雋雅者錄二首嘗鼎一臠可知其味矣

御河新柳色

天孫春懶散機絲挂向章溝縷縷垂淺黛依微宜綴露柔枝
飄裊不勝鷗鷺人掌上千回舞臨本宮中十樣眉清蹙欲來
須整態何如張緒少年時

丙寅春日湖上偶成

歸來萬喜脫蛟纏不是頑仙即醉仙縱酒何曾虛酉日簡糧
剛不少寅年但愁蝴蝶夢難熟真信鷓鴣行復旋畢竟湖中
風雨細菟裘吾老志和船

王家彥一首

家彥字開美莆田人天啟壬戌進士除開化知縣改
蘭溪擢刑科給事中屢遷戶科都給事中改吏科擢
大理丞進本寺少卿遷太僕卿拜戶部侍郎協理戎

辛籤卷三

四

政都城陷自縊死福王立贈太子太保兵部尚書諡

忠端順治中 賜諡忠毅有集五卷奏議五卷

蘭陵詩話公之死昭忠錄諸書皆云守德勝門城陷
自投城下死惟申傳信錄云寇逼王公坐安定門
歎曰我總督團營今日城破萬死難贖且義不可污
賊刃遂自縊於城樓未幾礮發城樓覆後出其尸於
瓦礫中其甥楊負而殮之按蔣公德瓌誌公墓云初
守阜城門久之移安定門張公肯堂詩郵疏云三月
初一日守安定門至十九日賊從別門入公望闕叩
頭遂自縊死是傳信錄之言爲有據惟收公尸者爲
義士鄭而泉名淫教諭開之父三山高兆記其事甚
悉非楊甥也

城頭秋感

漠漠寒雲起暮笳煙塵猶未退戎車壁門明月臨青海朔野
霜風捲白沙幕府夜闌蛩復切巖城秋老菊無花可憐關塞
淒涼甚荒塚纍纍數萬家

吳麟徵一首

麟徵字聖生海鹽人天啟壬戌進士除建昌推官改興化徵拜吏科給事中改刑科以憂去起吏科都給事中進太常少卿都城陷自縊死福王立贈兵部侍郎諡忠節順治中 賜諡忠肅有集

馮李詩繫崇禎時言官章正宸莊鰲獻以建言下獄

馮李詩繫崇禎時言官章正宸莊鰲獻以建言下獄高齋疏救庚辰大計與祁彪佳矢志澄清時論快之時盜賊猖獗民生凋瘵屢乞身任危疆不許又請整飭江南為京師援應假南司馬以權為羣議所阻賊既陷秦前後屯失守甯遠孤懸二百里關三面皆絕城守禦甚難督撫鎮臣請撤數百言約六科共陳之諸人不肯署名遂獨疏其事疏留中遂寢甲申三月十日為衝柵撞城廡舍皆壞齋引門為楯門被三矢矢貫木齋屹然不少卻是夜天微雨賊發大礮碎几案端坐自若十八日賊偽樹勤王旗叩門中官欲納

辛籤卷三

五

之齋齋魔卒堆石塞門俄而兵部騎士持職請出亦拒之復以重賞購健兒緇城殺賊百餘人賊大至齋至午門遇相魏藻德告曰事去矣願見天子德曰上入宮誰為趣起姑還守所明日司馬門議之齋齋步歸叩頭號泣而去十九日賊從三元祠欲自齋家徒請待祝孝廉至一訣許之二十日祝淵至齋酌酒慷慨與別曰昔吾登第夢一褐衣人咏文丞相零丁洋詩曰此劉宗周也數實為之今老矣山河破碎死何為相對泣下因揭兩絕放褚箴燿作書付家人命馮服以單衾殮遂縵而絕夫當寇燿作書付家人望闕外所存止五六城其輕重緩急不待智者辨此時果從齋齋義撤重兵誠救時之良策而庸臣不知釋疆場之憂救堂奧之急追賊勢歷京始言遠撤措手不及而國亡矣志夫

鵝鵬行

山林畏豺虎川澤畏鵝鵬鵝鵬大身嘴項有百石壺挈壺赴春波捩水如輶輻鼓翅風雨驟所集無渟汗巨魚擲千尺力

絕僵泥塗小魚濡沫乾駢首安就屠癩腴飽饒吻狼藉沾諸
雞果腹坐磐石睥目思江湖方笑揭竿勞終覺網罟愚瞥然
雙屬玉懷佯意何殊喙微毛領單頗似有道癯飢虛緩行躅
鞠躬俯寒蕪翻遭鵝鵝嗔碎嗑聲氣羸鵝鵝亦有云其云多
矯誣一云丹穴王竹實供天廚再云隨陽使稻梁事踣躓茲
爾瑣尾臣致身在蕪蒲鱸鮪方發發鯢鮪正于于颺爾頭上
絲保爾一捻軀在梁幸可託殄物于天誅佞哉老鵝舌凜若
操戈爰神鷺不吞鯉况乃受押掄高踔謝饗登吞向青冥呼
始信百族中具有穿窬徒除惡務其本敢用諏司虞

馬世奇

五首

世奇字君常無錫人崇禎辛未進士選庶吉士授編

辛籤卷三

六

修歷諭德進庶子都城陷自經死福王立贈禮部侍

郎諡文忠順治中 賜諡文肅乾隆中改諡忠肅有

文集五卷詩集三卷

啟禎兩朝遺詩公詩春容體醜居然唐人風格
靜志居詩話馬公清德奉使諸藩愧贈一無所受此
遷朝夢中吟文信國詩從今到卻江南日化作嗁腸
帶血歸蓋殉國之志已素定故先兆於夢云
梁溪詩鈔公及門中殉甲申乙酉之難者前後五十
餘人

送文正之歸晉絳

晉水吳山一短篷雙柑斗酒語匆匆浮名久已干時忌莫更

逢人說馬融

寄贈姚孟長吉士

廿載青雲捧日心夜分蓮燭對沈吟治妄策就還流涕不爲

君王賦上林

贈項仲展守雅州

分得銅魚萬里懸
黎風雅雨舊謠傳
借君五色媧皇石
為補梁州小漏天

送劉吉侯侍御接貴州

山環羅甸峰皆拱
江引牂牁水正朝
但得尺書賢十部
漢家誰許夜郎驕

孟嘗君養士處

俠氣千年大海東
猶將鄒魯薄齊風
即今飽食官廚者
幾似雞鳴狗盜雄

凌義渠四首

辛籤卷三

七

義渠字駿甫烏程人天啟乙丑進士除行人遷禮科
給事中三遷兵科都給事中出為福建參政歷湖廣
按察使山東布政使拜南光祿卿入為大理卿都城
陷自經死福王時贈刑部尚書諡忠清順治中賜

諡忠介有集六卷

四庫總目義渠服官以清操直節受知莊烈帝文集六卷乃其友徐汧門人姜垓所校定中間不載奏疏一門故平生建白如為給事中時請原三河知縣劉夢煒責償餉銀疏論亂民焚掠巨室疏論大臣藉制言路疏論中樞不職疏論策江東叛亂及請陽撫陰剿諸疏皆其風采之卓卓者今並不見其本集則編次時亦不免有所脫遺然如兵餉議清慎勤論諸篇剛毅自立之象凜然猶可概見其崇化論有云能為逢比者視碎首賤血仍無異於退食委蛇能為中生伯奇者視抱石雉經仍無異於閉安視膳蓋生卒立志如此卒之見危受命克踐其言固與口孔孟而行臨

啟禎兩朝遺詩公詩深觀幽深如其人
靜志居詩話凌公詩義見者解頤嘗與閔文學元京
共排續香煙錄董上舍斯張稱其冷豔畢臚比之吳
均入東記及官禮垣封事四十餘上皆切中時弊溫
輔以吏才稱之轉外平既謝政入爲大理臨難之頃
從容就義惟恐取身後二十餘年猶未并梓江都
特甚田廬一無所遺身後二十餘年猶未并梓江都
吳綺園次字吳與時夫人閔尚存園次蕭拜堂下秋
深矣尚衣葛衣練裙退而歎息以鹽豉魚菽遺之且
卜地葬公於驥邨之北爲文祭之

微雨

一雨飄何向因風不盡同
幽涼起暮色迷漫結秋空
冷鋪投鞍入荒山
覓路通隔溪煙縷縷愁望是湘中

河行卽目

撼地殷天勢欲吞
蕭蕭竹笠繫何門
荒祠古像隨流塌
茅屋窮黎逐水奔
涼窶不堪裝更薄
縱橫怪爾盜猶存
風波咫尺

辛籤卷三

八

艱如許竟日沿洄只遶村

潛山旅舍

滿酌聊將濁酒沽
行行轉復怯前途
四圍草樹兼風猛
一帶茅茨照月孤
飢鼠欲來燈已暗
嘒蟬不止夢全無
可知一夜寒侵骨
纔說經秋意蚤枯

重過茶池亭

驅車往復此山鄉
列障參差亞短牆
一掬冰稜添茗苦
半凹石路帶楓香
誰同遺老銜碑冷
好續前遊引夢長
墨藩重尋俄八載
暗中星火照人忙

周鳳翔一首

鳳翔字儀伯紹興山陰人崇禎戊辰進士改庶吉士

授編修歷南司業進諭德都城陷自經死福王立贈
禮部侍郎諡文節順治中 賜諡文介有集

政頑兩朝遺詩公詩清麗無館閣禮重之習
靜志居詩話甲申三月之變文介授命獨遲十九日
城陷語吳莊介云臣子義在必死然必一視大行殯
宮編素痛哭方可無憾爾二十一日赴東華門茶棚
下舉哀復匍匐至邸自經絕命詩云碧血九原依聖
主白頭二老哭忠魂時親猶具慶也於時大學士宜
城邱公瑜集議朝房俄而賊入亟走民家自縊為勞
人所持不集次日賊蹤跡得之不入窩鋪求死得乃
賊帥劉宗敏刑辱備加猶慢罵不屈伺守者稍懈乃
就縊論者責其瀟忍至受羣盜之侮不得與忠臣之
列文介東華之哭既不受賊成之拘而萬舌一辭免
腐儒吹班之論是天之所以成公大節而公之素行
交孚於鄉國故也不其難哉

欲遊惠山因雨不果

眇眇予懷繫青山思不禁溼雲籠野塔疏雨作溪陰花徑柴

辛籤卷三

九

門迴泉源石竇深夢中好識路清夜亦相尋

吳甘來一首

甘來字節之一字和受瑞州新昌人崇禎戊辰進士
授中書舍人擢刑科給事中改吏科兵科進戶科都
給事中都城陷自經死福王立贈太常卿諡忠節順
治中 賜諡莊介

西江詩話甲申逆闖犯關和受義不屈具冠帶從容
自經死先一日賦絕命詞云君臣義命乾坤晚孤鼠
干戈風雨秋

卽事

霽色開遙浦雲蹤寄水萍流深魚穩穴樹密鳥窺人橫笛吹
江閣開樽覓野鄰高原濃翠染隨意拾芳春

許直一首

直字若魯如皋人崇禎甲戌進士除義烏知縣改惠來擢吏部主事遷員外都城陷自經死福王立贈太

僕卿諡忠節順治中 賜諡忠愍

楊廷撰一經堂詩話舊志載忠愍公墓在如皋縣南三里馬塘河高家橋東撰按忠愍死後并未歸葬故里今吏部文選司署有許公祠祠內函骨木匣尚存大學士程景伊郎中李調元碑文可證田按流賊薄都城公約同官為死守計貨金饗士亡何城陷人莫知帝所在有傳帝南遷者公急變服往甫出門見賊眾縱橫即返曰事勢至此出將安之今上英明首隱忍播越以貽國羞乎俄聞帝崩自誓曰國亂不匡君危不濟吾惟一死而已北向拜君南向拜父秉燭作絕命詩六章其卒章曰擲筆翻然辭世行老親幼子隔幽明丹心未雪生前恨青簡空留死後名扁戶自經死

贈辟疆有序

辛籤卷三

十

歲庚辰江南北蝗飛蔽天赤旱千里吾邑斗米千錢僵尸載道辟疆盡廢百口之糧捐金破產躬自倡率開賑日待哺者四千餘人而撫軍道鄰史公兵憲禎臻黃公司李佐平湯公咸傾心倚重各有捐助下檄邑令資辟疆以佐其乏余冬自都門返見之感且愧力貸多金始終明夏為期之議殘臘凌冰復偕予勸賑四鄉辟疆之心力苦且竭矣余不媻詩作五古紀事代飢瘠為仁人致頌焉

皇天蔽視聽虐此無辜民旱魃吐赤酸螟蝥飛紅塵平疇一望枯溝瘠化青燐為富鮮憫恤閉糴封高困吾黨有義府冒子志嶙峋傾糧周缺陷鸞產繼宏仁哀鴻數千百飽煖生陽

春當事洵喬嶽倚君如其身帑發恣出入節慎見經綸鄰邑
望風至廣資餘苦辛甯止麥舟助圖繪鄭公倫余亦切同體
胡爲徒撫膺稱貸佐毫末杯水聊相因君復廣同善四郊履
層冰頓使窮鄉遠亦得起殘生鴻慈裕經術眞誠貫鬼神短
言代口碑他年擬勒銘

申佳胤 一首

佳胤字孔嘉永年人崇禎辛未進士除儀封知縣改
杞縣擢吏部主事遷員外降南國子博士歷大理評
事遷太僕寺丞都城陷投井死福王時諡節愍順治
中 賜諡端愍有集六卷

四庫總目佳胤集爲其子涵光所編卷首有家傳稱其
於詩好稱李夢陽何景明今觀所作與何李頗不相

辛籤卷三

十一

似大抵直抒胸臆如其爲人但體格尙未成就且不
免浸淫明末纖仄之習然凜然剛正之氣足使後人
起敬不敢復以詩格繩之言以人重烏可沒也
靜志居詩話申公治景中州及考牧近畿聞寇逼居
庸郡縣望風奔潰或勸母入都慷慨流涕曰固知京
師不支如天子孤立何疾馳以入時三月十二日也
偏調大臣畫戰守策皆不省城陷自投王恭厥井中
其詩娟秀不鬻不浮近劉半舫一派

咏古

花敷宮院不知秋曲曲清歌夜夜遊安得阿麼頭頸穩始知
天子果無愁

陳良謨 一首

良謨字士亮鄞人崇禎辛未進士除大理推官擢四
川道御史都城陷自縊死福王立贈太僕卿諡恭愍
順治中 賜諡恭潔有滇中集

全祖望甬上耆舊集公爲人木訥當廣座辯論鋒起獨默然然其居官循分盡職於世間所謂黨部門戶流品之說漠然不曉也時流寇鳴張天子倚督相楊嗣昌以平賊嗣昌初負時望大用後日以舛謬自其用能文燦大壞國事不得已親出嗣昌楚人不欲流寇塗炭鄉里繼之入蜀公以巡按甫至蜀猶以前此人望謂嗣昌才可倚亦不知其將以蜀爲壑也初公奉勅專任城守以衛蜀王已而有監軍之命行間功罪無所不豫獨勦撫進止機宜聽之撫鎮又受督相節制蜀撫邵捷春亦良吏顧嗣昌不之喜欲誤其事而陌之公時調兵食以佐捷春賊遷延未去復合巴巫入楚嗣昌始終思撫賊公謂捷春仍調兵合東北一鎮以堵賊又言川中間道最多宜防詭計又極言賊之不可撫捷春阨嗣昌不能盡行公言而賊果乘虛自巴巫渡開新公恐其薄成都晝夜講守禦之法賊偵知有備不復至嗣昌委開新之罪於捷春有詔逮問並奪公職令殺賊自贖公之受事也嘗奏言督師寬心辦賊其功可就識者知公僕誠將爲嗣昌所賣至是而驗及秦兵報瀘州之捷斬首千三百餘級嗣昌夸爲大捷公覆按有瀘州殉難官民無首一疏極言秦將之欺罔乃知嗣昌之誤國而賊自蜀入楚襄王被害嗣昌聞自裁天子爲之旰食命公

辛籤卷三

上

陸涼道中

盡日崎嶇路前征又若何枯藤鞭瘦馬朽篋渡危波山暗堆雲樹途迷叢石坡披荆次荒野停午暫相過

汪偉一首

偉字叔度休甯人寄籍上元崇禎戊辰進士除慈谿

知縣以治行卓絕徵授翰林檢討都城陷自縊死福

王立贈詹事諡文烈順治中 賜諡文毅

金陵詩徵孟進士章明顧錢塘咸建劉南昌曙皆公
癸未同考禮闈所得士同死節

桃花潭茗詩

高根撐石罅破壁產雲英活火瓶笙沸清香肺腑生

金鉉一首

鉉字伯玉留守前衛籍武進人崇禎戊辰進士除揚

州教授入爲國子博士遷工部主事改兵部都城陷

投御河死福王立謚忠節順治中賜謚忠潔有集

靜志居詩話思陵之去闈黨無異拔山曾不數年命
張彝憲總理戶工二部錢糧出帑金別建公解俾諸
司以屬吏之禮見金公再疏陳其不可謂以陛下迪
簡之臣而令其罄折僮僕於刑餘之子不亦羞朝廷
而辱當世之士耶思陵卒不允也中官借驗火器劾
公落職公笑曰吾去官遠此輩如脫蟻蝨垢賦之衣
豈不愉快遂與諸弟講古文辭尤精研易理壬午七
月晦讀邵氏書題其後曰甲申之春定我進退進雖
退時外而弗內退若苦衷遠而弗滯外止三時遠不
卒歲優哉游哉庶畢吾世又語其弟曰吾平生寡所
好視奔官如揮涕唾今以巡城每過御河輒留連不
能去何也卒沈於是從彭成之所居公志蓋已先定
矣

辛籤卷三

志

自悼

出門瘁我形我心實少息入門心勞勞誰云一室偈妻子安

糲草忍厭高堂食春風迺栗烈毀我東籬棘

劉理順一首

理順字復禮一字湛六杞人崇禎甲戌第一人及第

授修撰遷中允京城陷自縊死福王立贈詹事謚文

正順治中賜謚文烈有集十二卷

啟禎兩朝遺詩考宋元以來狀元及第死事者於宋
得三人何臬文天祥陳文龍於元得三人李繼泰不

華李齊而明有五人靖難之時則有黃侍中觀土木之禍則有曹文忠罷北京之變則有劉公而浙東有余庶子煌江右有劉中允同升先後皆死國事此亦科名人物之盛歟於前代者也
自靖錄山陰劉宗周謂京師甲申殉難者以時而言倪元璐第一以事而言劉理順第一蓋以臣殉君妻殉夫子殉父僕殉主也
田按劉公甲戌廷對策謂明之失策一壞於四路之輕入而開鐵陷再壞於經撫之易局而遼藩危三壞於戰守之爭執而廣甯棄洞若觀火思陵親拔第一甲申殉節可以答思陵之知遇矣

次林可任韻

乘間訪素契虛室宵陰陰于世無著好惟書不憚淫任真雲
出岫適與鳥歸林一笑天機在悠然共此襟

辛籤卷三

古

出岫適與鳥歸林一笑天機在悠然共此襟

乘間訪素契虛室宵陰陰于世無著好惟書不憚淫任真雲

出岫適與鳥歸林

乘間訪素契虛室宵陰陰

出岫適與鳥歸林一笑天機在悠然共此襟

乘間訪素契虛室宵陰陰于世無著好惟書不憚淫任真雲

出岫適與鳥歸林一笑天機在悠然共此襟

乘間訪素契虛室宵陰陰于世無著好惟書不憚淫任真雲

出岫適與鳥歸林一笑天機在悠然共此襟

辛齋

劉宗周 三首

宗周字啟東紹興山陰人萬曆辛丑進士授行人請
 告歸天啟初起禮部主事擢光祿寺丞未赴進尙寶
 少卿改太僕少卿移疾歸起右通政以忤魏忠賢削
 籍崇禎初起順天府尹移疾歸廷推授工部侍郎以
 劾溫體仁斥爲民起吏部侍郎末至擢左都御史再
 以論事忤旨斥爲民福王立起故官疏論馬阮不聽
 告歸杭州陷絕食死唐王贈少師大學士兼吏部尙

辛籤卷四

書諡忠正乾隆中 賜諡忠介有叢山集二十四卷

四庫總目宗周立朝之日雖少所陳皆切中當時利弊
 一阮於魏忠賢再阮於溫體仁終阮於馬士英而董
 桂之性介然不改卒以首陽一餓日月爭光在有明
 未葉可稱傲傲完人非依草附木之流所可同日語
 矣

自靖錄崇禎壬午廷臣會推吏部侍郎未當上意上
 臨朝而歎謂大臣如劉宗周清正敢言廷臣莫及遣
 文書官論吏部用之起爲吏部侍郎未幾左都御
 史王道直病歸擢宗周以代掌都察院僅六十日御
 褫職宗周歸至通州和友人韻志慨曰策蹇何所之
 遭時亦云厄一步一回首四郊營壘迫大道直如矢
 青天萬古關從此遂已而身後令人惜
 西河詩話海鹽吳磊齋太常身時夢一隱者來謁
 口誦文文山山河破碎風飄絮身時浮沈兩打萍之
 句詢其名曰我劉宗周也時磊齋尙未知公名心記
 之及壬戌旣第適劉公以儀曹郎知貢舉見之訝然
 又二十年磊齋與公皆先後赴召每相見京邸甚親
 及癸未以都察院見放磊齋始流涕使公道所慕於
 公公亦訝然次年磊齋由申慟哭記凡十人以磊齋

爲首其詩有云何人死後骨先寒二十年前夢底酸
謂此也

田按劉公戴山與黃公石齋以道德直節名海內仰
之如泰山北斗劉公以忤魏闈削籍歸舉諸人社於
塔山旁執經門下者常數百人黃公以劾周延儒溫
體仁削籍退而講學於浙之大滌山間之榕壇執經
者至千人李之社屋國墟二公皆致命遂志明季道
德完人二公爲稱首焉

過張灣

張從壽甯得宅
新有李尚書宅

張家渡口灣如織綠水朱門望不極夾岸枝楊柳垂春煙
猶帶五侯色畫船簫鼓日紛紛得意歸來休論貧回首張灣
何處是不堪新說李家邨

陽穀道中辭春二首

病客傷春歸便休滄浪一曲棹扁舟抽簪及早甯非計不趁
東風歎白頭

辛籤卷四

二

野水荒郊屢問津浮雲孤寄一間身可憐陽穀城西柳不是
青青帝里春

黃道周

十八首

道周字幼玄一字螭若漳州鎮海衛人天啟壬戌進
士改庶吉士授編修遷中允以救錢龍錫降調復疏
陳時政斥爲民用薦起故官進諭德遷少詹事劾楊

嗣昌等謫江西布政使司都事旋逮下獄永成辰陽

尋復故官福王立召拜吏部侍郎進禮部尚書唐王

時進少傅兼太子太師武英殿大學士改吏部尚書

督師被執死於市贈太師文明伯諡忠烈改諡文忠

乾隆中 賜諡忠端道光五年從祀孔廟有漳浦集

靜志居詩話詞臣無言責居无咎无譽之地需次待
遷而已迨石齋先生入翰苑與上虞同年倪文貞公
俱自任天下之重崇正去邪盡忠補過引裾折檻九
死不回先生詩所親從露憲推車過又得滄汜聞
在春蓋實錄也及退而講學於杭則大滌洞天於閩
則蓬萊峽少長咸集退澗具來監史主賓琴瑟鐘磬
庶幾濂洛之遺風焉先生璣象之學辭義深奧後生
或昧指歸詩才亦未免暗駭要其光燄不啻萬丈也
曲周路皓月過銅山弔先生詩云道德公自重文章
公自深若夫軍旅事似非公所任用違其才此百世
所惋惜者

蔡世遠二希堂集石齋詩歌不步漢魏唐宋而博奧
勳深雕鏤古健風骨成一家矣
居易錄黃石齋先生蔡夫人名潤石字玉卿工書法
與先生逼似康熙庚辰春得其楷書律詩一卷楷法
稍雜分隸題云偶寄夏太守時山中間警崇禎丙子
秋八月蔡氏玉卿書於石養山中詩多崇禎中魔道
語蓋先生作也
陳壽祺左海文集石齋黃公德性似朱紫陽氣節似
文信國經術似劉子政經濟似李忠定文章似賈太

辛籤卷四

三

傅陸宣公詩則崛奇獨造不施鞦勒所謂天人之才
獨立無儔
五石瓠黃石齋善畫人初不知也臨難前作水墨大
畫二幅長松怪石極磊落
田披石齋先生通籍二十載恩俸未三年其疏救機
山回逆黨將翻之案劾武陵燭樞輔覆餗之凶一削
任籍再沈牢獄思陵既無英主之精鑑復蹈猜主之
寡恩牽連善類囚繫疊疊欲不覆亡得乎武陵既敗
先生聞之愀然曰毒瘡去元氣削矣弘光立以禮尚
徵先生與揚機部書曰吾輩頂石搗骨合藥無補於
天猶冀後人嗅此藥氣耳蓋頂石搗骨無濟廢戈回
日不得不出此途耳先生論詩不薄李王之無濟廢
陵之習有明末派如文太青倪鴻寶皆墮落此魁豪
傑亦不免余挾擇集中合作英詞浩氣當引星辰而
止不催凌躡魏晉而合轍盛唐也

王文成廟迎送神曲

折瑤枝兮擣瓊糜思君兮中阻飢播靈鼉兮揚靈旗矯欲來
兮何期大江橫兮大嶺絕射朝曦兮馬當發招余弓兮雲中

遺余珮兮木末雖無德兮心所知曾肯來兮安足辭露所生
兮雨膏之菊有風兮蘭與吹追鄢車兮抗幃馬上天兮下土
時不同兮安得游登君堂兮不得語耿徘徊兮中夜

續招魂

禮魂第三

陰以風兮天晦晦將靈車兮不得屆波生兮江中路斷兮山
外靈約詞兮曷從再雲披披兮雨下來棘變變兮生車衣濡
足兮創飢予從靈兮方何期靈之來兮日蓋暮陰不開兮天
益下蟲號兮啾啾還嘈嘈兮不得語裂余衣兮江上樓渡深
兮涉淺望夫君兮不一反靈語兮切堂蕞草生兮雜以蒿迢
微風兮聲不揚靈迴車兮迅前速峻臨淵兮不得度君思余

辛籤卷四

四

兮粟以飄余思君兮然疑作施者固兮往者輕冰高兮水薄
靈來重兮耿余思汰以哀兮吹參差魚鱗鱗兮鳥下舞蹇蹇
蘿兮葺君所靈不安兮候馬離余亦將兮離居山從從兮泉
漉漉白石生兮闕余室靈從左兮間余右路差池兮曷同宿
衝風至兮百草衰蛟龍藏兮君焉依來長楸兮顧余馬靈翼
襄兮擊余鼓佩不同兮縮則均思不一兮各及春桑庚飛兮
鳴鳴鳴冰漉漉兮水渙渙拍楫兮蘭舟與君期兮河中流靈
之來兮前颺颺余從駕兮乘文鷺荷生兮蕙穗不及衣兮猶
得佩靈中疑兮邇則阻日皓皓兮間微雨語雖曠兮猶所親
室雖曠兮猶匪野折芳草兮塞辛夷思繁兮草稀蔓子生兮
何萋萋猿狖哀兮日昧昧霜未降兮露先戒陳琴瑟兮離以

歌靈不來兮傷如何

寤言二首

昆臺初息鬪投策方嬉遊四方生噉心一旦叛數州絕轡始
再頓解冕爲兜鍪中身五十載甫有甯諸侯至治安可常至
道安可求刈莫逃爪牙玄珠如浮漚所重天明功未寒先庀
裘大君無吉凶日月靡所詷靜正持乾綱四海生春柔

崇邱多會新洞川多會鱗君子秉虛冲四顧多瑋人重華爲
魚販七友皆嶙峋尙有州支公及於石蒲民貧窮無禮樂討
論何所陳日月自週天眼耳生其身救世非庸流厯艱苦不
親華貫十六賢聊爲鸞與麟負軛登長途胼胝知苦辛

責躬二首

辛籤卷四

五

天地何高深日月相循環星宿陳其顛動靜恆無端舉翼不
能翔而作醯蟻觀大命一以至不復能研鑽鬼神欲告之翁
吸近若難傷哉草木頽不得留朱顏

好道不入微閑物不至細影響自相答杳然無所繫大易重
存身春秋本大義詩人多微思委宛出至意草草一世間遂
爲穉與秕江漢下明河忽已失所恃

寄別卧子兼懷鴻寶

紹興使君萬斛珠隨風飛灑千流蘇文章經濟各大雅出之
我口甯爲諛雲門蘭亭坐親切鶴子下堂啄碧雪客棹不敢
閒移遊猶請老翁看五洩天下水無匡廬奇雁蕩無聲差勝
之五洩壯險不可及安能過於倪公詩倪公與余最相契一

字動有千峰勢每願使君明且清董買蘇韓失位置我行當
過三閭江若耶溪情橫相縱迂回二千三百里不顧白壁黃
金雙使君偶來再夜坐剡舟如鞋載白墮不知身在晉井中
恍惚槎從銀漢渡倪公抱我如抱鷄五年兩過靈峰西一夕
折杖各分去無情潮到難爲嘵聽君微談動四壁倪公新詩
在小冊匡廬水瀑雁蕩漸五洩奇觀走辟易只今天下多風
塵明州山水清絕倫褰帷帶星亦閒暇蘭漿挂楫搖青春老
翁西去洞庭水不著些涎弔屈子不死還來此中遊櫻團竹
杖報知己

偶成

人情貴逸豫物外卽滄洲其奈人間世難從物外遊鶴歸松

辛籤卷四

六

子老雲澹琪花秋惟有畫梁燕呢喃春序留
入都知敵在濼永援師星散未集京營挑選不具諸帥
顧望無建斷後之策者再疏將上輟而稱詩

白馬烏桓道合支突騎來書生非不武債帥安能材乘障狄
山恥誓書張孟哀誰當千里骨愧殺築金臺

將發石城而楊機部適至

何嘗忘世事初不負君恩薇蕨青山路菰蒲白板門貧窮生
覺好放浪老難論彭蠡舊相送襄裳涕尙存

西廂西北數間爲二周諸公畢命之處

昭代多君子清流此再清豈關門戶事動使鬼神驚逆命扶
中葉同游璨九京傳看芝草蹟鐘鼎羽毛輕

夏五大滌山中觀雨

此間唯竹葉不復辨松聲人下琅玕榻天圍翡翠城茶鐺新
火改研閣輒雲平談詠無多事西鄰鐘磬鳴

張鮑淵中丞漳南凱還餞於鄴山

帝眷東南宵旰勞素書先此展龍韜一匡江左歸微管八翼
天門試夢陶戲下旌旗新變色帳前風雨舊投醪坐教赤子
遷牛犢半部饒筮靖海廳

武陵歎用方孩未韻

綸閣軍容動絳墀出車天子自題詩殿中舞馬看推轂日下
交龍覆畫旗信有皇威收撻楚可無彤矢告平夷繡墩玉饌
尋常事不數蓬揚將相時

辛籤卷四

七

焦山寺中土中二銅像

落草故自佳溷世共荒穢寄愁與埋憂忽忽五百歲
山居

舊事華陽清異天世間今有冷神仙空山木石私名號盡在
尊盧太古前

送張紹和

中身不任九州長垂老能爲十畝翁欲向君家乞桃竹小山
亦有百株櫻

思在華山頂

蒼龍嶺下少人來鐵鎖春深滑碧苔欲上嶺頭吹玉笛長安
不見使人哀

